

修武縣志卷十

修武縣知縣馮繼照纂輯

金石志

修武邑俯太行山水清邃南峯北嶺多結禪棲之士東巖西谷又是剝靈之圖蓋不獨天門百巖爲一邑之勝境也墨客騷人遊屐所至往往伐石以紀勝蹤而梵宇琳宮所在皆是是宜溯翰墨於晉唐播芳徽於金石矣迺讀前明李僉事濂遊百家巖記云寺中有斷碑數十皆剝落不可讀所可見者唐杜鴻漸元張琬二碑王惲馬子安數絕句而已至今又三百年杜碑已毀滅其湮沒於荒煙蔓草者抑復何限苟非及時搜輯則名山勝剝後之人何以資憑弔邪余古寺訪碑破庵搨鼎得若干本以資清玩其有碑亾而文猶在者亦存其名以備參攷焉

漢

李固碑

天下碑錄在懷州山陽城內

案此疑卽李固將軍監守山陽公者惜碑佚不一考矣

後魏

藏梅寺山陽令苟祖歡造像碑

在山陽城內法明寺東北半里民田中藏梅寺址也僅露碑額於地上集夫掘而觀之碑連額約高五尺廣二尺上鐫佛像一陪像二無文字唯近跌一段高六寸前三行書比邱惠遵惠璿惠纂三人供養其次像一面西立又二行書汲郡公寺主僧照山陽縣沙門都維那惠玘其次像一面東立又三行書比邱惠怡惠願惠恆三人供養又銜名二行書員外散騎侍郎襄威將軍山陽令苟祖歡其後像一面東立身後丫角小僮擎蓋張像首之上最後像一亦面東立面前界小方如印章內書妻衛阿奴四字揣其情形迺祖歡夫妻造像碑也

修武縣志

卷十

金石志

二

案散騎侍郎北魏北齊官正五品襄威將軍北魏北周官從六品諸九品官皆以將軍為品秩謂之戎號郡公在晉及後魏皆正九命以及郡公加於寺主僧照龍佛教也又案後魏孝明帝孝昌中分南修武置山陽縣仍屬一州汲郡迨北齊合南北修武山陽於西修武為一而山陽令裁矣由此攷核此碑雖無年月可疑

後周尊勝經幢

碑應次後唐衛刺史碑後誤編於此

畢沅中州金石記廣順三年十二月立正書隸額在修武幢字甚樸率惟題額以幢為幢从心猶用古字說文無幢字徐鉉妄增之當作幢或借幢也

唐

西明寺佛像塔記 麟德元年造在周劉邨東南碑高五尺八寸寬二尺三寸上方鐫佛像一陪像

八中方鐫佛像二陪像四下方碑文高一尺五寸  
無譌書人姓名書法侶歐虞完好無缺又碑附高  
一尺五寸寬三尺一寸有開元二十四年所鐫修  
容利像文書人劉仙經碑之兩邊鐫金皇統七年  
重修古佛碑幢記

惟大唐麟德元年歲次甲子六月丁丑朔五日辛  
巳懷州修武縣慈仁鄉无爲里周邨一十八家敬  
造尊像一塔上爲皇帝陛下永隆鼎祚萬方清謐  
和風惠暢膏雨以時又爲七菴存亾去離窓苦上  
昇忉利下逮應天庶使大地蒼生常聞法教含靈  
稟氣恆遇明朝俱弃濁河同登正覺

修武縣志

卷十

金石志

三

案周劉邨得名以周氏劉氏二姓世居此邨攷碑  
文但名爲周邨後所書施捨姓名實則周劉二姓  
也又或作畱其列名有汲郡從事周子儼大陸吳  
澤二府周仁析大陸府隊正上騎都尉周行密曹  
州考城縣令周義成餘以繁瑣不備錄

維開元廿四季歲次景子正月辛巳朔十八日戊  
戌崇仁鄉周邨冊餘家再鐫昔勅名山方求潤礎  
鐫容利像承祖祢之遺規拔苦拯迷爲子孫之厚福  
具三十二相向一百餘年覩容色而將昏冀裝嚴  
而取麗邨人若老若少終翹代鵠之心惟婦惟夫  
實切護鵠之誠貧無減己不辭懸磬之勞富有精

誠將傾潤屋之費維求異術或訪奇能方施藻瑩  
之工載耿丹青之色巧行金箔重飾玉豪光燄浮  
於九天慈悲盈於十地湛蓮華於淨目謂彌勒之  
初生曜蘋果於鮮脣覺如來之不滅自營功德併  
捨農忙薰辛無入口之期酒肉絕 腸之旨五體  
投地希符長者之誠一心啟天冀合菩提之願書  
人劉仙經

案碑首行歲次景子蓋以唐高祖之父名昉故諱  
丙爲景也後列施捨姓名有羸州司馬周務道

重修古佛碑幢記

附錄

南懷州修武縣梁平鄉周劉邨舊有勝地一不

修武縣志

卷十

金石志

四

記其歲月之詳建立古佛堂一所迺爲四民之善  
刹昨因宣和 廢釋崇道遂毀其佛像斷其碑  
繼而亂離又值饑饉邨民不遑寧處因此殄滅弗  
能嚴飾無復加於尊敬是以不忍廢其前跡輒露  
微懇率籲眾情樂然共力重修堂宇嚴飾佛像接  
其碑幢俱成一新壯冠本邨庶幾不忝異日一方  
之瞻奉聊記其歲月耳時大金皇統七年歲次丁  
卯四月八日記

藏梅寺佛頂尊勝陀羅尼經碑

正書

在山陽城內

佛頂尊勝陀羅尼經序 佛頂尊勝陀羅尼經

者婆羅門僧佛陀波利儀鳳元年從西國來至此

土到五臺山次遂五體投地向山頂禮日如來

後眾聖潛靈唯有大士文殊師利於此山中汲引

蒼生教諸菩薩波利所恨生逢八難不覩聖容遠

涉流沙故來敬謁伏乞大慈大悲普覆令見尊儀

言已悲泣雨向山頂禮禮已舉頭忽見一老人

從山中出來遂作婆羅門語謂僧曰法師情存恭

道追訪聖蹤不憚劬勞遠尋遺跡然漢地眾生多

造罪業出家之輩亦多犯戒律唯有佛頂尊勝陀

羅尼經能滅除惡業未知法師願將此經來不僧

曰貧道直來禮謁不將經來老人曰既不將經空

來何益縱見文殊亦何心師可到向西國取此

修武縣志

卷十

金石志

五

經來流傳漢土卽是遍奉眾聖廣利羣生拯濟幽

暝報諸佛恩也師取經來至此弟子當示師文殊

師利菩薩所在僧聞此語不勝躍遂裁抑悲淚

虔心敬禮舉頭之頃忽不見老人其僧驚愕倍更

虔心繫念傾誠迴還西國取佛頂尊勝陀羅尼經

至永淳二年迴至西京具以上事聞奏大帝大

帝遂將其本人入請日照三藏法師及司賓

寺典客令杜行顓等共譯此經施僧世其

經本存內不出其僧悲泣奏曰貧道捐軀委命

遠取經來情望普濟羣生救拔苦難不以財寶爲

念不以名利關懷請還經來流行庶望含靈同益

帝遂

經 僧梵 其

經還僧梵本其僧

得梵本

向西明寺訪得善

語漢僧順貞眾共

翻譯帝隨其請僧遂對諸大德供貞翻譯訖 僧

將梵本向五臺山 入山於今不出今前後所翻

兩本竝流行於 有不同者幸勿恠焉至

垂拱三年定覺寺沙門志靜因 在神都魏國東

寺僧 留一如 上說志靜

遂就三藏法師諮受神呪法師於是 宣梵音經

二七日句句委授具足梵音一無失仍更取攜

來梵本勘校所有 定其呪初注云

翻者是也其呪句稍異於杜令所翻者其新

修武縣志

卷十

金石志

六

呪校定不錯并注

其音訖後有學者卒詳此焉至

永昌元年八月於大敬愛寺見西明寺上座澄法

師問其逗畱亦如前說其翻經僧順貞見在住西

明寺此經救拔幽顯最不可思議恐學者不知故

具於左

右碑在山陽城法明寺東北半里民田內埋於地  
中者半土人云唐世藏梅寺舊址也道光十九年  
三月十三日集夫掘而視之碑交龍額其下高四  
尺七寸廣二尺四寸四十二行行八十四字前爲  
序文九行後提行爲經文未完者鐫於右側楷法  
極似虞褚惜上截爲風雨剝蝕漫漶已多中截殘

之前相距丈許卽後魏造像碑

西明寺佛頂尊勝陀羅尼經幢

正書

在周劉邨

案幢在寺前柏林中八面每面寬六寸高四尺七寸上段六寸五分第一面分二行鐫奉爲皇帝造幢六字後七面各鐫佛像一像左右皆周姓士女供養名氏下段四尺五分每面九行行五十七字前序後經與藏梅寺碑無異書秀勁工整有楷法前五面彊半可讀後三面則漫滅頗多余取其序中可識者作小字旁注於藏梅寺碑之內以補其

闕茲不重載

此幢之西更有一幢形製較小字更漫漶難識矣

崇明寺佛頂尊勝陀羅尼經幢

在五里源

全文未錄

案幢在五里源崇明寺佛殿之前八面皆鐫此經  
府志既誤以中州金石考所載唐尊勝陀羅尼經  
碑謂卽此幢又以石幢八面皆經文別無碑陰刻  
字迺疑或修武另有一石今已佚也唐崇佛教寫  
刻此經所在多有金石考所收迺藏梅寺碑在山  
陽城內本非此幢實修府志時採訪之疏耳

百巖寺浮圖銘 在百巖寺

大周垂拱二年獲嘉縣朱四娘爲女造浮圖銘

并序

原夫 樹開宗道德希夷之際尼邱誕聖仁義韁  
鑠之間終不能脫略生滅之途輕舉塵罕之域大  
矣哉我能仁利見也慈雲觸石沃煙炭于炎廬慧

修武縣志

卷十

金石志

八

棧橫流濟沈骸於慾岸清信女張氏懷州獲嘉縣  
人白水之源遂廣徬控九河黃石之道克隆遠敷  
三略象賢接武襲治分翹祖德家風可得而言矣  
昔在襁褓慈父早 言念惟桑不念造次迺蒿簪  
藿食宴坐經行載 陟岵之恩忍絕乘龍之慶未  
殞高援垂已弱笄以爲寫具 金薰修之末跡糾  
組織紅俗中之常略均非出代之要道 仰止高  
山有終焉之志以垂拱二垂二卍十八乙因遊此  
寺遂自投此崖殉身飢獸昔尸毗慈於一鳥山童  
踊躍于八字殆無以過也母朱氏恨起漢皋之珠  
怨結秦樓之鳳迺發茲宏願造浮圖五級其壑也



丹崖如削青松似蓋巖泉瀑布山石開蓮騎麟餌  
术之賓坐桃源而長肅驂鴻轡鶴之士披竹徑以  
吹笙斯迺出代之佳遊者也大周如意元垂歲次  
壬辰七<sup>④</sup>甲午朔十五<sup>⑤</sup>戊申功用斯畢敢以此  
福上爲聖神皇帝陛下及亾人七代祖神德祖  
高父言堪見存母朱婦大娘二娘妹娘子弟知微  
竝諸眷屬法界蒼生同登彼岸恐陵谷遷賈迺勒  
銘云猗歟張氏堅操<sup>⑥</sup>新凝姿<sup>⑦</sup>浦垂耀 津徘徊  
漢曲飄飄洛濱去彼穢累來斯善因志遊五淨  
心出六塵欲求 境先弃今身<sup>一其</sup>哀哀慈母言念  
傷情建斯功德拚此 營 壑上出太清高

修武縣志

卷十

金石志

九

峙邈邈孤秀亭亭雲沈

聲庶千秋而

萬歲長不朽而無

案銘在寺廡壁閒廣三尺高尺餘分二十六行行  
十八字或二十餘字不等筆畫完好僅缺一十八  
字銘無篆額中鐫佛像一尊方廣各三寸浮圖以  
如意元年七月功畢是歲九月又改元長壽七月  
尙是如意也武后是庚辰九月改號大周加尊號  
曰聖神皇帝至是已三年矣碑書日月星載皆用  
新改字金石萃編卷六十一跋云懷州獲嘉縣屬  
河北道河內郡縣境無山不知所投何崖也案張  
女爲獲嘉縣人所投崖卽修武之百家巖也今碑

塔皆在萃編據銘詞言之未親至其地耳  
府志案百巖寺西南有浮圖屹立不知建自何代  
近好事者搜訪寺中石刻得塔銘于佛殿壁上始  
知塔築于唐垂拱中塔之北俯臨絕壑崖間有江  
西吳嵩梁鐫題孝女崖三字大皆徑尺書頗有楷  
法日月等字皆作武后字體剝蝕者亦無多明李  
僉事濂遊百家巖記謂斷碑數十皆剝落則茲銘  
出自近日可知矣

百家巖孝女塔記

行書  
附錄

百家巖寺西南山椒浮圖矗立雲際寺僧云是唐  
時物亦不能道其詳予偶與吳生徘徊廊廡閒得

修武縣志

卷十

金石志

十

古碣東壁上剝蝕之餘字畫依稀可辨亟拭蘚垢  
共讀之迺知唐天后時獲嘉人朱四娘爲其女搆  
浮圖顛末銘端小引用駢儷體書法似智永亦不  
著作者姓氏案引女姓張父名言堪母卽四娘有  
姊弟三人女生而至性過人念嚴親蚤世北堂婺  
居遂矢志不字于垂拱中結茅百巖皈依空王誦  
經爲二人資福已迺效釋迦如來自投絕壁捨身  
飼虎狼之飢者時如意某年日月也母朱恫之深  
爲搆斯塏蓋千二百餘年于茲矣經數十年兵燹  
屹然如故中有世尊須菩提阿難大士諸像莊嚴  
端好近代所無是塏之歷劫不毀也果佛力之致

歟抑天地鬼神憐張女之仁孝故保持是塏以旌  
异之歟否則張女之貞魂靈魄早已證無上果登  
列仙籍其精誠所貫自足以垂示不朽歟夫一介  
弱女少無傅姆之訓長乏彤史之規而毅然蟬脫  
穢濁遊心塵表誓酬罔極之懷視棄其軀如脫屣  
非深窺華嚴之祕旨而纖豪無罣礙者哉余師弟  
悲其母若女之志又見銘石就泐懼將來之無以  
傳信也爰命山僧祔祠四娘張氏於大士之末席  
而竝闡其幽光以告他日之聞風者時

大清乾隆四十八年歲在癸卯三月揀選知縣淮南曹

肅記馬俊英書丹

修武縣志

卷十

金石志

十一

孝女崖記

正書  
附錄

坐環翠亭望西山之崖有古塔在焉卽唐天后時  
朱四娘爲女張氏建也迺從稚川夫子造其下取  
徑亂石中不百步已至丹崖壁立百餘尺草樹綠  
相蒙也塔在崖上三級五壑據地高水不能齧去  
北嶺遠崩石莫及雖大風雨無損以故歷千百載  
巍乎獨存然非孝女之靈焉保其無陵谷之變哉  
崖舊有碑意卽東廡閒物案銘云遂投此崖則碑  
宜在崖上而崖卽建塔處也寺僧不知而移之耳  
崖植橡栗數十株山風晝起淒若深秋塔內佛像  
四端好無比而鑪煙不續遊屐稀到蓋崖之湮沒

于寒煙夕照中也久矣余以稚川師命召工人完補佛像爲四娘張女立神位稚川師爲之記蔣芑亭以長句歌之因又題其崖曰孝女斯亦足矣後之瞻此塔而登此崖者慨想懿徽摩挲陳迹雖一草一木皆生色矣余獨悲夫世之慈其所生如四娘者誠不乏人而孝于生我如張女其人者何千百不得一二也雖其殉身餓獸有未合于吾儒全受全歸之義然事同于兼愛親也當夫布衣蒿簪侍母不字卽古之純孝無多讓焉豈必待投崖之日始知其至性之過人哉於戲可以風矣乾隆四十八年西江蘭雪吳嵩梁謨馬俊英書

修武縣志

卷十

金石志

十二

居德寺碑 在嘉禾屯

大唐居德寺碑 前應知貢舉河東裴庭 謨  
原夫元牡玉樓九府壓西荒之地紫真金闕三山  
覆東海之波考雲閣於南岑眇存高岸覈天臺於  
北洛空見平池此皆寂寥難託虛聲 鞠仙道  
則眇漫而繫風案人事則摧殘而有日莫不杜侯  
未掩終傷漢南之地丁令不存空聽遼東之鶴其  
有揚乾坤之中土得人野之平易一開圓寂之容  
幾歷微塵之劫寶坊金界捧慧日以同明淨宇禪  
居向諸天而竝遠久而彌固者 見之於此矣居  
德寺者則河朔之佳境也徒觀其風土形勝山河

表裏千蕘爽塏於邑居萬里恢平 道路北連斗  
指於三 南窺 穴潤俗通於十 若迺  
於雲雨之所蓄洩封畿之所襟帶關關皋鶴候瀟  
鼓以霄驚啾啾巖猿聽香鐘而曉引斯可謂列仙  
之上館 帝之下都率土之津梁含靈之喻棧雖  
崢嶸邃宇互棖棟以將周而結構層臺視高明而  
未立則有清信士秦洪亮等竝靈根宿植慧果天  
資 雀瓶而易毀覩 獄而 淨將以 心八解  
俱希白鳥之緣削跡六塵各願青鳧之施爰於此  
寺門東偏敬造浮圖一所尠其兆跡宏敞規繩大  
起指寥廓以浮軒望煙埃而列砌於是聳中唐之

修武縣志

卷十

金石志

十三

瓴甌元之旣元排遠漢以岿堯損之又損况復土  
華五色金精百練雲將稀影於元梁日馭銷光於  
丹 亭亭岌岌固無得而言矣又有故簡州平泉  
縣令秦君慎獨勵家資於寺門西偏復建浮圖一  
所惟君行該真際情達蓋 知下邳有八座之由  
原碑 脫一字 朱門可待覺外道 三乘之逕路盡篋爲  
施俄見睨於塵心勤求於故里於是運土精於西  
華斲金采於南陽青疏起不日之程紫柱問成風  
之 自發源定水之域 累土王城之界修百舍  
以忘勞瞻十區而靡愛何忽九成不遠秉心作屈  
指之期一遺將乖 澤有頽山之痛悲夫立功不

可以無主爲事不可以失時屢驚飛管之灰幾重  
縣衡之鐵雖復日來月往輕塵微露暫感其紅  
而

彤彤峻級重階無與爭其秀特今寺  
內有名僧會廣等環情四攝寶志三堅搖幡忍辱  
之場艤楫陀羅之海思而閻修淨域以同遊惜

所圓顧珍寶而發憤是用贊經營於不足削瓶  
鉢之有餘靖恭莫莫之誠靡鹽登登之業加以子  
來板築俗委檀波孰言累月之克備旬之制

旣而莊嚴相好龕龕舍衛之尊粉飾花條級級菩  
提之樹照金輪於滿月夜若蟾蠩吟寶鐸於長風  
朝疑雅樂能事斯畢殊容信美旣與東浮圖有對

修武縣志

卷十

金石志

十四

復能以高下爲各在門偏俱臨道側中間疏密  
甚得均整於時遂號雙浮圖矣亦猶天臺雙闕隱  
靈跡以相高荆國兩崖負穹筠而合遠豈止巍巍  
一柱讚江陵之臺業業三休偏美章華之觀而  
已况乎眺聽仟眠登頓屈曲每至歲遊蒼陸物煦  
青春太簇軼而光景麗少陽通而天地淑銜蘆負  
暖馴鴈塔以忘歸采萼垂香下蜂臺而欲住從龍  
卷靄而清曠野馬收氛以虛寂絢然林樹之間豁  
爾河山之際則有朱軒推轂擁流水於猴池赭騎  
齊鑣結浮雲於鷲嶺還所以挹裳連襪亦所以躡  
踵側肩於是步褰開峻攀邃

原碑二句  
有脫文

陽扉暫啟

頻納氣於暄曦陰戶徐開 風於鬻發靈槎自  
託宵冥雲漢之中仙 何求迢遰煙霞之上迺福  
地之宏麗香園之殊觀者也縣令于公地承陰  
天資秀氣暫勞展驥之才且莅亨雞之用縣丞河  
東裴令昭縣 蘭陵蕭越客主簿平陽路暉等竝  
價重西秦和璧爲天下之寶氣衝南斗雷劔有鋒  
芑之銳雄圖可舉 六月而非遙雌伏無言輔三  
河而 格競勸伊蘭之質爭爲祗樹之因鄉望以  
鶴髮鮐背撫四生於水月士女以心 頂受懷六  
氣於空雲 馳方便之門願樂慈悲之路僉以  
筆書爪畫猶出離於邪峯積土聚沙尙登臨於正

修武縣志

卷十

金石志

十五

覺矧伊中天揭起仰干兜率之庭踊地憑虛俯鎮  
閻浮之境豈使六通神宇臨汗簡而 七寶奇  
功師貞刊而有闕所以躊躇八難顧步一音環棊  
句以披文繞花臺而相質雖宏摹可大難言藪日  
之容而小子當仁敢惜凌雲之筆述而不作敬立  
言曰西竺降影南浮載芳和柔作相寂滅爲常威  
儀有頂教戒無疆空傳喻棧曷用津梁其一 建室  
星羅分庭雲布亦有法院覃懷作固寶 牖金  
繩途路棊紉典章花傳曉暮其二 秩秩居士昂昂  
宰官共攀道樹各悟伊蘭願言經始骨悅重樂揮  
斤雷赴荷鍤雲攢其三 九 出雙標牙聳累砌

岩堯重軒龍窈特起天造巍然地踊綵鳳欲飛火

私若動

其四

髣髴多寶依稀由旬蓮牀不夜為璧

長春皎皎珠淨

盤新風生寶鐸月滿金輪

其五

少陽開晴大呂生律寒郊氣斂泮水風謐翠野

鶯初蒼洲鳳疾

意流月垂蜺捧日

其六

壯哉靈

塔摩藍標奇殫神極麗作鎮成儀路開波若劫用

僧祇一刊之後

古如斯

其七

大唐開元八年歲

次庚申四月癸未朔八日

案此碑在嘉禾屯居德寺中大殿西碑首題額僅存篆書大唐居德寺五字碑高八尺餘廣四尺凡三十二行行五十四字或五十七八字不等楷法

修武縣志

卷十

金石志

十六

侶褚河南筆畫完好少缺略惟風雨剝蝕苔痕蘚垢未經摩搨故多漫漶又記中云寺東西偏各建浮圖一所時號雙浮圖寺今浮圖無存惟此碑屹立寺中嘉禾屯在縣西五十里寺在屯東里餘地僻寺荒遊屐罕至郡縣志失載良可惜也

重修百家巖寺碑

今佚全文詳祠祀志

中州金石考云天寶八載杜鴻漸撰金石錄作崔巨譔崔倚正書又寺記崔禹錫撰劉軫行書天寶七載

案杜碑在寺西檀門外後人取碑附齧空如孟彤以承明月泉水之溜今僅存題額唐重修百家巖



寺七字矣

重建法堂記 在百巖寺殿側

碑高二尺餘廣三尺餘大中八年書其文次序錯雜字亦漫漶大旨謂武宗時廢佛教寺宇拆毀至宣宗大中時杜其爲令始奉進旨古蹤靈跡一任修崇其文云稠禪師爲高齊時人與太平廣記合百家巖寺邑記

維大唐孟州知單軍右廂共給菩提邑記

蓋聞靈山名寺聖化無窮朝現神通暮歸巖谷香風疊至祥瑞咸臻其山勢連白鹿西枕太行千峯積翠萬仞排空瀑布飛巖松羅森 稠禪隱跡龕

修武縣志

卷十

金石志

十七

室猶存羅漢房中黃卷尙在洞遶名壑澗流香水靈祇莫測 輝大哉名山匍匐瞻仰爰有天宮嶮峻萬岫嶽峯峭壁巖前眞宮化出中方景致實絕幽奇花萼開張如同展錦白雲樓亭上連霄漢遙觀暎暎 時全無聖境難親凡流莫近方知名山聖跡不易登臨睹此靈巖頓悟迴向是以各啟虔誠投慕聖因遂各減糧儲同崇此會 與來生菩提樹下盡會此因從茲已後官勳不絕爵祿恆昌灾不臨身常居福祐以咸通五年歲直甲申四月丁未朔十五日辛未建立福紀所立碣結邑奉爲願佛教永興法輪常轉長將香火供養眞身

當今皇帝德超萬劫永坐龍宮伏惟中書積代簪  
纓累 相 中丞官勳二品食祿三千嘗理凋  
殘常居八座邑長兵馬使門 令德素襲衣纓未  
遇投筆從戎位列高 之上文華滿腹書劒兩全  
爵祿重重官職日遷都維那判官 將累襲  
官勳詞翰咸推武藝自備好善增福衷心無詭灾  
橫恆除永登爵位 邑眾等竝是中華秀士寰  
海英賢翫 詩書自怡樗散捨邪歸正奔往釋門  
共結來生同歸極樂之因其詞曰靈山聖境凡俗  
難親明驗雖徵結緣有因神祇萬變悟者齊臻刊  
石紀名千秋共存

案此碑在明月泉窟壁內味其文義是孟州廂軍  
供養百巖香火以求福利題額云邑記者言合邑  
之人皆共給菩提也石高尺有八寸寬二尺餘三  
十二行行十六字或二十字不等不著姓名文詞  
古雅可誦中云其山勢連白鹿西枕太行則百家  
巖上卽爲白鹿山與水經注清水出白鹿山東適  
相脗合一語足破千載之疑惜寺僧無識以宋元  
祐二年官給山林土地公據刻於石後而此碑遂  
陷入壁內人第見有元祐二年公據石刻而不知  
其陰之尚有斯碑也余搜訪得之使白鹿山之名  
千餘年來復見於世顯晦有時信哉

范陽盧君妻京兆澹氏墓誌銘

朝議郎守太子詹事 國賜緋魚袋澹麟譔姪鄉  
貢進士庠篆額前婺州隨軍翟嚴書

予娶潁川陳氏生夫人卽予之長女也 夫父諱

官至國子博士贈散騎常侍伯舅諱脩古亦由  
官歷復郢二州刺史皆以背碑覆局得名故夫  
人自幼少知書敏悟得中外之風和淑爲搢紳之  
表大中五年予掌白馬 書奏遇范陽盧楨遂妻  
焉良人守土風居覃懷一邑無趨名利意故居止  
茅茨食止藜藿而夫人與之同此曾無一日萌不  
足意始初逮事先姑每進殮粥未曾不躬親調味

以取適 噫女得婦道斯謂全矣咸通十年五月  
遣一介至京師招國荒居詰其故曰盧氏夫人被  
病不救矣生子男三人男循父教女承母訓可謂  
大其門矣母兄融官任宣城令予素達殯生之理  
况當衰邁之年乃遣單人 備情禮嗚呼哀哉其  
銘曰生有歸得婦道母儀歿奚悲盡修短之期窮  
辛富貴 如斯難素期刻銘於石寘泉扉  
案石方尺有四寸十八行每行二十六字道光丙  
申邑人掘土得之南門外城濠中庠生秦懷西昇  
置甯城書院文不免簡略然以父爲女作墓銘自  
不宜鋪張揚厲也

後梁

保安寺石幢 在陸真山前保安寺殿內寺當後梁時爲延昌寺幢高二尺餘八面字皆完好無缺

銀青光祿大夫檢校國子祭酒兼御史大夫上柱國軍事押衙充東北面巡檢都指撝諸寨兼充吳澤鎮遏使何宗壽釋迦牟尼佛讚

并序

原夫大雲廣布籠九而而爲蓋慧日騰暉鑒十堦而含鏡豈若神光發曜恆沙之金剝俱明睡教流傳微塵之石劫常住法身香氣氤於六合之中妙色尊容昭晰於八荒之外名山鼓動鳳嶽之震嶺巉巖德水騰波烏江之驚濤浩汗故能覺悟羣

修武縣志

卷十

金石志

二十

品道引含虛異域求經競風馳於衛國諸方請法爭霧集於王 四眾傾心五魔瞽首東萊龍女變質爲男西山鸛駕飛來獻供清信賢士迺知佛性無能測量者哉有信士維那隴西李堅等累世此士人也高懷四勇壯志烈於秋霜義感三荆連枝泫於春露可謂青松獨秀翠竹孤標矣阻逢紊世廿載戈鋌不 狼煙三十餘歲悟身而如電如露若泡若漚引化羣情共崇因果迺有陸真嶼之古寺寺號延昌精舍毀除空存 記上爲皇帝文武百寮過去先人見存眷屬各啟宏願抽 靜資再立殿臺構崇禪室深嶼選石遠召良工造釋迦像

壹尊莊嚴具足右邇山陽之境徬夯白鹿之峯黃  
津一帶長川迴視羊腸之嶺瓊宮岌峇上拂雲端  
禪室峻層徬連甲弟祥風朝引徐牽梵響之音瑞  
氣時生香珍馥郁上願皇王萬歲寶祚無窮下及  
法界眾生同登正覺皆開平伍年歲次辛未二月  
乙酉朔八日壬辰畢工

案後梁太祖在位六年開平四年乾化二年開平  
元年爲丁卯則五年卽辛未也是年五月改元乾  
化幢中仍紀開平年者以畢工在二月爾

百家巖石幢 在避暑臺劬貞明七年七賢鄉李固  
鎮韓緒造幢高五尺佛像尺許上刻經文八方亦

修武縣志

卷十

金石志

二十一

尺許字多剝蝕詳玩文義因蕃寇侵越發願以祈  
福祥者

文多不  
全不錄

後唐

衛刺史神道碑

今佚全文  
詳列傳

中州金石考云懷州判范遵譔同光二年十二月  
八日立

宋

百家巖寺大殿西壁畫浮屠功德記

府志碑載大宋開寶六年歲次癸酉十月辛巳朔  
十五日己未立碣記鄉貢進士任夢達譔竝書雕  
鏤匠人趙海末書各僧名中間有宣德郎守修武

縣令賜緋魚袋楊崇美將仕郎守修武主簿張頌  
又邑錄事王璉邑人翟詮等數十人文多漫漶不  
可讀書法亦劣

案碑云其山東連白鹿則天門在宋猶稱白鹿也

蘇旗驥墓碣銘

今伙至文  
詳列傳

中州金石考云司馬光譔

重刻都散漢詩 在馬坊清真觀詩云得道真僧不  
易逢幾時歸去願相從自言居處連滄海別是蓬  
萊第一峯莫厭追歡語笑頻尋思離亂可傷神閒  
來屈指從頭數得到清平有幾人後附  
跋語邢州開元  
寺觀音院殿後壁上有五代鍾離師父權畱詩二

修武縣志

卷十

金石志

二十二

絕筆跡超軼不類俗體予深愛之恐其歲久字漫  
故刊於石時皇祐四年仲秋九月九日相州管內  
觀察使知郡事劉廣記

中州金石考云至元八年上下皆題名案鍾離權  
號天下都散漢見厲鶚宋詩紀事此詩本刻於邢  
州開元寺皇祐四年劉廣重刻於清真觀金石考  
云至元八年非也上下題名殊無倫次上方係元  
至正八年施捨姓氏有李固務使劉祖謙則元時  
李固鎮尚置務也下方列僧道姓名有騫林觀提  
舉崔道昌可爲李俊民詩作證餘皆不錄

醒酒臺題字

在家巖寺西有奇石橫臥高數丈上

平列劉靈二字下直書醒酒臺三大字就石鐫刻  
中州金石攷云嘉祐四年河北提刑曹涇書石長  
九尺闊三尺二寸

淬劒池題字 在醒酒臺上於醒酒臺三字下接書  
亦平列嵇康二字直書淬劒池三字以限於地池  
字微小劓刻年月書名同上石長五尺餘闊二尺  
餘中多綻紋雖石裂而凸凹不平然其筆力極爲  
雄厚

百巖寺山林地土官給公據碑 在明月泉西牆

修武縣據百巖山崇明寺主僧守千所告萬戶邨  
北自祖上山林地土四至東至闊馬澗西至分水

修武縣志

卷十

金石志

二十三

嶺南至萬戶邨民田北至天門山蒙受理差人監  
查本邨頭目人王卞等所補勘會得委是本寺祖  
業山林地土本寺爲主寺實得此文狀在案據此  
須至出給公據者 右具如前今出公據付僧守  
千收執照爲正施行元祐二年三月洪丘 官  
右碑係宋元祐二年寺僧守千所管寺內山林地  
土四至官給公據寺僧刻於大唐百家巖寺邑記  
石後兩碑一石至

國朝康熙二十二年陳于鏞奉憲行知請領李陵山  
邨荒地一片東至輝縣界南至大路西至西山嶺  
北至急三鎗至康熙五十九年寺僧海香因地界

糧差募化十二里分任呈懇本縣印照批准桑家灣荒熟地畝四至東至闊馬澗四里西至分水嶺一里多南至車箱門七里北至天門谷七里現在寺僧照此管業

案寺內東偏客堂下有碑橫臥於地字皆磨滅僅存大唐二字其芻題名甚多皆不可辨惟元祐戊辰仲秋二十三日洛陽李景仁張逸少同遊二十字尙屬清楚筆力亦秀

漢獻帝避暑臺碑 在寺西避暑臺下字徑尺許筆致樸老無年月款識其側就巖刻題名數人俱剝落不存所可考者有元祐四年蔣之奇至杞國劉

修武縣志

卷十

金石志

二十四

明之鼓山宋鼎之才同遊蓋漢獻帝避暑臺六字亦宋人手筆也

懷州修武縣十方勝果寺記

正書

在南門內

夫無際眞源亙萬期而常住有爲勝業遞四相以遷流雖報止人天眇覲祖師之法而事無童戲猶爲化佛之因散殊入理之塗一歸起信之地此塔廟所以稱津梁於像季媿冕弁於都邑齋施本民俗之阜付 宰官之賢覃懷禹跡之石壤修武秦爭之故墟負太行盤鬱之勞含沁水豐腴之澤土邑蕃廡 井繕完治 南 粵有淨宇莫詳建置之始屢更料簡之科巋然雖存曾是幾廢前代



本長壽之 我朝錫勝果之號仍舊貫有八院分  
處從近制爲十方住持先是因循旣久 弛彌甚  
殞樞交雜於廊廡之次圍軒穢瀆於龍象之前狃  
於頑冥觀者駭異又客館假據憧憧往來車馬唐  
突麟麟凌踐殆不可支矣物不終否受之以革會  
邑宰江南李君端臣善政之外畱心性宗目擊頽  
併簡命僧寶叢住持俾以興葺叢師有經  
論學奉戒精一邑人嚮之信施翕然又請百巖道  
卿道英二師共其事卿善於誘導英謹於出納咸  
克實力以助營建君案令移下刷去污辱收其散  
雜之餘用敬爲通邑之 址陶甃伐木雲集川流

修武縣志

卷十

金石志

二十五

起紹聖三年九月止四年之二月日役工徒不下  
百數事符眾欲理若 相除前殿五間有三世像  
後殿七間有千佛像甃塔九層大門五間泊鍾樓  
卽舊外爲左右偏門六間前殿東西 間後  
殿東西挾室六間左廡貫廳與講堂二十有九間  
右廡貫廳與僧堂二十有九間鍾樓在前庭之  
右 城以偶之廚庫下舍靡不完潔摠逾百  
楹皆剝置也窈然其艷深煥然其嚴麗風煙改色  
梵唄聯響居者增精進之心來者起歆慕之色繚  
垣矗直繩拒於外縱爲八十步衡爲四十五步最  
厥費爲緡錢二千有畸何其用鉅而功速歟昔之

客館不可頓闕迺於二門之西別爲區處亦就完  
具無怠佛事有適賓所又以知君才力之裕也蓋  
能者察於繩尺之外否則忽於耳目之前故庭弗  
埽者詩人致譏道仍葺者史氏爲貶 之以訟訴  
階之以簿領而能進人於薰修之善導眾以因果  
之方使異教興行而助治雅俗感動而循理化宥  
圯爲簡嚴 閔 爲瞻敬海眾宦侶各得其宜於  
是以久勝業而明真源此善之善者也吾徒於是  
樂爲之書以貽後人焉時歲在丁丑閏二月十五  
日丹川退宓趙郡李洵記姪羣書丹雲寮居士高  
陽許驛題額 縣尉束斌卿 主簿耿敦 天平

修武縣志

卷十

金石志

二十六

軍節度推官知縣事李元規 紹聖四年五月十  
五日知庫僧道英同住持僧道卿往持賜紫僧寶  
龔立石

額題懷州修武縣十方勝果寺之碑十二篆字爲  
四行碑高五尺四寸廣二尺八寸凡二十二行行  
四十二字此碑中州金石攷失載今閱下截字多  
漫滅上截則尙屬完全其書秀整殊有楷法

魯千之詩碣 在五里源崇明寺

碣載元符戊寅題崇明寺延昌寺僧贈紫道準立

石詩云

心稍覺難如舊勝跡依然日日新  
鶴怨猿嘯嗟往事再來山色侶迎人

府志案此詩向載縣志以爲摘自宋人集中耳近

遊崇明寺獲觀石刻於佛殿壁下題名千之二字  
相連綴如琴押狀其後文載一詩云當年匹馬度荒邨青眼相逢是此君重到鄉歸題云宣德辛丑初春京畿  
提刑劉師忠詩亦有風致惜書法刻手俱劣疑後  
人僞爲也

崇明寺大佛殿功德記今佚

錢大昕天一閣碑目云元符庚辰正月李潛撰並  
書

案魯千之詩碣係元符戊寅則五里源崇明寺在  
宋時固名刹也

百家巖寺僧智深經幢銘正書在百家巖東嶺

修武縣志

卷十

金石志

二十七

大宋百家巖崇明寺智深上人經幢銘并序通仕

郎前熙州狄道縣丞繆潛撰

熙寧改號之五年歲在壬子夏四月初余始來百  
家巖崇明寺與二三友人講學於疊雲樓上有僧  
凜然其儀茫然其量出語無文飾臨事有剛斷負  
荷內外獨瞻百之眾余怪而問之即主僧俗姓  
俎氏法名智深者也逮崇寧乙酉秋七月初余思  
竹林之游復到巖下其門人道英出其行狀且曰  
先師陸眞山陸邨之人生而好佛幼而出家慶歷  
八年三月望日受戒爲僧元符三年九月八日示  
滅於眾得臘五十有三享年八十有二度弟子六

人道英其一也已燼骨葬於山門外之東嶺立石  
幢丈餘刻尊勝陀羅尼真言於其上欲乞一言以  
銘之庶取信於來世余惻然念其至誠迺爲之銘  
銘曰堂堂智深崇明之老主寺十年咸以爲寶壽  
八十二天實昇之葬於東嶺鳥獸俱悲誰立經幢  
道英之報九地幽深慧日能照崇寧四年七月望  
日本寺僧靜熙書丹  
右幢八面每面四行行二十四字前序四面後真  
言四面楷書端整有蘇文忠公筆法真言不錄  
案序有與二三友人講學於疊雲樓上語則疊雲  
樓亦寺中勝蹟今寺之東偏樓房卽其地也

修武縣志

卷十

金石志

二十八

百家巖寺道凝大師經幢銘

正書

在百家巖東嶺

大宋百家巖崇明寺賜紫大師道凝經幢銘

并序

文林郎新授慶源軍節度推官繆潛撰

政和建元之春山僧靜熙晨登余門慘然而言曰  
我先師已葬經幢未立欲乞一字發其幽光予諾  
之而未暇也一歲中凡五六至其請益勤勢不可  
辭援筆而作大師諱道凝姓賈氏懷州修武人也  
厭浮世之勞悟真如之旨早投百家巖寺事僧智  
深夙夜匪懈熙寧乙卯遇同天節以掌御書恩例  
得度爲僧 修 心允符四望戊辰己巳閒寺主  
數易大眾遑然邑令躬爲選於眾 有能容眾者

是能安眾有能贍眾者是能帥眾眾咸以大師爲  
能受事之日滿庭相賀於是委道英以出納責道  
卿以營繕 年金碧相照倉庫俱盈毅肅劉公  
遺表爲乞紫衣度弟子 滿等一十九人攷其住  
持自有崇明以來未有若此其盛者也 大觀二年  
三月十四日示寂於眾得 年七十餘與大師有  
竹林之舊銘以辭曰白雲無主兮東西飛幽鳥有  
情兮朝暮嘑凝師凝師歸何處萬年明月留清溪  
政和四年歲次甲午三月十八日前管勾賜紫僧  
靜 書丹

石幢八面每面五行行二十五字前序四面後經

三面末一面複書佛頂尊勝陀羅尼七字

案序中熙寧乙卯爲宋神宗熙寧八年其云同天  
節者攷玉海卷七十四神宗以四月十日爲同天  
節熙寧元年垂拱紫宸殿上壽當是此後歲以爲  
常故云熙寧乙卯遇同天節也又攷玉海卷二十  
七太宗御書目錄至道三年以飛白四十軸藏中  
祕龍圖太清玉宸及先聖廟名山勝地皆藏焉百  
巖寺去京畿不遠其獲御書之賜當卽在此時序  
中掌御書恩例云云當卽其事也又後百巖題名  
下亦有詣百巖恭點御書語知當日御書之在百  
巖朝廷固甚重其事也又攷宋史劉昌祚傳昌祚

於神宗哲宗朝屢破夏寇官至武康軍節度使卒  
謚毅肅而勝果寺鍾款有修武縣伏珠山毅肅公  
墳寵勛院語則此序所謂毅肅劉公或卽其人歟  
百巖題名 在寺中大殿西月洞門外北牆

虞溪沈望之郵城杜唐公將之覃懷迓王公畱後  
蚤發共城登白茅寺酌金沙泉晚至百家巖徧閱  
勝概飯已投宿修武政和六年七月二十九日唐  
公題男欽濤侍

政和乙未秋七月二十五日典御太原王道醇奉  
使懷孟因往赭土口點檢陶器聞百巖峯巒秀麗  
特來觀覽徧閱 槩更夕而還郡佐開封趙士實

修武縣志

卷十

金石志

三十

邑宰曹南邢固巡尉張彥張溫參陪

郡督郵范棟沿職事約邑令高世襲至此同遊政  
和戊戌六月九日

中州金石考云宣和辛丑盤谷李子從書

府志石題六十五字云盤谷李子從以職事案諸  
屬邑及詣百巖恭點御書拉兄達全同來謁七賢  
祠堂登嘯臺酌明月泉觀鍛竈窮覽勝概緬懷昔  
人徘徊念歸宣和辛丑孟春二十有四日書書法  
近蔡端明未勒忠翊郎特就差權懷州修武縣尉  
孫藉謹摹於石管勾僧靜立二十四字案此則宋  
時曾貯御書於寺而七賢祠堂亦宣和以前所建

矣

案百家巖多有題名府志僅載宣和辛丑一方近復得政和三方唐公題名字畫特為秀勁

宋武康節度使劉毅肅公殘碑正書在伏珠坡北

一段十五行為文 吾門迺有 一以取於民

地為苑牧所占 由是得免李紘為轉 西用兵

空空 詔近臣舉 垂前代監牧之地肥美宜 蘭

會秦原之域其閒種羌數 是時始議自籠竿取

道徑抵 眾迺從遂遣南市寨主劉滬 无費於

公者以數千計破夏 午夏人入塞官軍敗於好

水 路都監未行會大將葛懷敏 又諸子悉補

修武縣志

卷十

金石志

又三十

以官公好學器 寧十年十一月二十三日 太

子中舍

一段七行前四行為文後三行銘辭 有立女

三人長適 法其不盡利害之 天子所深知

進拜衛 將無憾於九原云銘 銘辭 开隴之陽 空

可 另議 聯西疆 空 另無 於公

一段九行前五行為文中行空後三行銘辭 攷

淨著 日昌嗣左班殿 孫十二人孫女八人元

豐 空 國 父之仇故 而 謂金

城日使者卒復為 銘辭 羌頑 空 有夏 空 窺之

有年 另行 恩 空 闢樂途 空 徑以適秦 另行

不及完空 承其謀空 蔚爲世勳

一段十四行前十行爲文中行空後三行銘辭

疆場之 外諸部多爲虜所 涇師與賊

遇於定川懷 廓然議論天下事而有 於七賢

鄉之原嘗曰修武 可贈太常丞妣史氏封

早卒次日昌祚子京也次 大 承 經畧秦

隴子京 以善射名天下而戰 王士子

京 辭銘 以餌以脅空 取行另 其

卒如何 行另 爲此銘 又小片臨邊有進土

修武南門內勝果寺鍾款云修武伏珠山毅肅公

墳龍勛院鍾而詢之邊山居人莫知山之所在更

修武縣志

卷十

金石志

三十一

不知有毅肅公墳因令人隨長垣邱集鳳訪之北

山搨石二片歸謂得於櫛樹坡後山坳其一橫列

大書宋祿二字蓋斷碑額也其一有自籠竿取道

徑及破夏等語知爲毅肅公墓碑竊意必不止此

因約張廣文魯巖楊生敏書於庚子十月十四日

同往訪之登方莊西北小阜厖壁嵌金泰和年刻

石曰宋思鄉臺又明碑有七賢鄉伏諸坡南麓思

親臺字皆未詳所謂遶至新莊溝邨東里許民田

中平列石龜跗三中跗高三尺左右二跗均高二

尺許其南亂石叢積榛莽中一方廣三尺者石膚

剝落字無一存迺集夫掘土得有字者數段又於



龜附西北石堰中得龍頭一段碑石二段蓋其碑  
有三一字方九分完好有楷法一字方七分一字  
方六分書皆可取而漫漶不可讀余既封其墓擇  
其字完好者四段舁至方莊崇興寺中嵌於殿內  
東壁俾來者再詳焉唯伏珠或作伏諸土人又譌  
呼榭樹榭池遂致尋其地不可得且共傳爲劉武  
周墓以宋之勳臣譌爲隋之賊魁殊可怪也

劉毅肅公墓第二殘碑

一段十八行 說以要言實 帝大悅三闕 通事

料敵二行全闕 軍副總管六行全闕 卒弱馬 涇

軍尤二闕 蓋朝 事屢失幾 羌人彫弊頗甚

修武縣志

卷十

金石志

三十二

無恨矣尋 一段十七行 拜手稱 官交章

稱四闕 爲諸路十一闕 其部卒也 弓射之九闕 傷者六闕

令傷者勿戰 堡塞通岷州遣使十二闕 謂曰是欲爲

熙 兵馬都監兼知一闕 遠軍九闕 茂州雖二闕 羣盜

五軍十七闕 使知河州元豐 勦而營八闕 肆半月俾自

取材不日而立 其法由葫蘆河大川 一十二

人追殺十三闕 死者不 靈武乘四闕 酣戰八闕 擒 逮明

及環慶行營四闕 遵裕 以騎兵護環慶糧一闕 麟不

敢當請代公行 以歸環慶而遵裕大詬諸將以

其 一千三百石遵裕益愠 軍路兵馬鈐轄不

行改涇原 乘破竹之勢 一段十四行 斬

級三百 精於騎射 夙夜盡悴事雖 馬軍都  
虞候充涇原 也請令艱窘 疾病請舁行不許  
止以 步軍副都指揮使 朝廷闕者幾二十年

昭忠義

一行全闕

百步之外

八闕

曰人不可殺

西鄙 先帝之

三丈

二闕

千古鳴

三闕

是

此行臨邊

右碑書法雄厚而多磨滅其敍劉毅肅之勳勞高  
遵裕之嫉忌與李燾續通鑑長編合存以備攷

劉毅肅公寵勛院鍾款 在修武城內勝果寺

懷州修武縣伏珠山毅肅公墳寵勛院鍾宣和三  
年歲次辛丑右武大夫惠州防禦使提舉京畿保  
甲提點刑獄兼公事劉遠命工鑄造以其年三月

修武縣志

卷十

金石志

又三十一

甲子鍾成姪紘記

右鍾高六尺圍一丈六尺寵勛院距城四十里自  
何年移至勝果寺中無可攷久棄山門之內乾隆  
戊申李郡丞亨特建樓以貯鍾竝勒石紀之

國朝李亨特新建修武縣勝果寺鍾樓記

附錄

粵自勝幡西振大化東流佛教之興由來舊矣名  
藍巨剝散布震旦之間在中州爲九勝若洛下伽  
藍詳於紀載少林精舍傳爲祖庭厥後太行以南  
大河之北凡蘭若之巨麗莊嚴之精工所在多有  
然或廢而弗興興而復廢惟修邑勝果寺者自趙  
宋紹聖年間舊址重構迄今將及千載碑碣猶存

殿宇未圯擅一邑之巨觀據百里之形勝然而法堂雖備寮舍仍稀甚至鍾鼓未懸樓閣缺如其何以媿寒山半夜之響傲闐闐萬家之夢乎值特通守覃懷行部茲邑借宿僧房既瞻拜於蓮臺爰散行於竹院山門之側睹洪鍾焉下埋沒於塵沙翳蔽翳於草棘因拭苔蘚讀款銘則亦宋宣和間之古物也爰進寺僧眞漢詢厥由來蓋委棄瓦礫間者歷有歲年實以才力不備遂使蒲牢之鳴久歇吁可惜矣爰捐廉俸諏日鳩工修丞褚君明哲實襄厥事始於乾隆戊申之夏成於是年之秋山門之內兩樓遙對如翼既妥安茲鍾復配以巨鼓焉

修武縣志

卷十

金石志

三十三

從此晨朝暮夜噌吰鏗鞳大震於東而逢逢革音繼起於西其足增厥寺之氣象者匪淺鮮也特學昧宗乘心切皈依恭值

聖朝大慈御世博濟萬民廣護佛乘凡茲琳宮紺宇興廢起墜不惜布金而成詎求福田之益而特家隸豐鎬世受國恩區區敬事法王之心實由觀感興起敢自附聚沙童子一錢貧女希心轉輪報乎第望後來君子有現宰官身者相繼起爲護持不僅茲寺之幸亦特之幸也已

時公爲黃沁同知碑文見府志

金

勅賜普恩院牒 在承恩鎮

尚書禮部牒懷州修武縣恩邨院主僧智達狀告  
本院自來別無名額已納訖合著錢數乞立院名  
勘會是實須令給賜者牒奉勅可特賜普恩院牒  
至准勅故牒 大定貳年捌月二十一日令史向

昇押主事安押 中憲大夫行員外郎李押 郎中鎮國上將軍行侍郎

阿典 正奉大夫禮部尚書兼翰林學士承旨王 尚書禮部牒普恩院

### 興國寺碑 在南孔莊

懷州修武縣南孔莊先有小院一所雖常有二三  
僧居止而往來無定至大定改元辛巳歲五月內  
有僧善深俗姓趙卽北孔莊人也落髮於洛州龍  
興寺維摩院禮僧智信爲師因歸省親遂於茲院

## 修武縣志

### 卷十

金石志

三十四

駐錫焉舊有小殿一所法堂僧堂各三間革弊陋  
以敞之斥庖狹以廣之繩曲邪以直之破葺暗以  
明之於是易法堂舊址建佛殿三間仍於殿後別  
勅法堂六楹以至廚庫山門靡不完具常患院無  
名額介懷不忿忽於大定二年壬午四月內官中  
出榜備奉都省劄付內處分應無名額寺院許僧  
自陳當與奏乞降賜迺具狀告官至九月二日奉

勅特賜興國院爲額牒文勒於碑陰

錄節

### 勅賜興國寺牒

尚書禮部牒興國院 尚書禮部牒懷州修武縣  
南孔莊道院僧善深狀告本院自來別無名額已

納訖合著錢數乞立院名勘會是實須合給賜者  
牒奉勅可特賜興國院牒到准勅故牒 大定貳  
年玖月初一日令史向昇押主事安押 中憲大夫行員

外郎李押 郎中 鎮國上將軍行侍郎阿典 正奉大夫禮部尚書兼翰林學士承旨王

勅賜法明寺牒 在山陽城內

尚書禮部牒法明禪院 尚書禮部牒據懷州修  
武縣城內邨院主僧智遇狀告伏爲本院住屋玖  
間自來別無名額今乞納錢請買空頭勅黃書鎮  
法明禪院爲額須至出給者牒奉勅可賜法明禪  
院牒至准勅故牒 大定參年貳月柒日令史向

昇押主事安押 朝請大夫行太常丞權員外郎劉押 中憲大夫行員外郎

修武縣志

卷十

金石志

三十五

李 郎中 侍郎 正奉大夫禮部尚書兼翰林學士承旨知制誥修國史王

張陸邨重修功德記

陸眞散人趙宗義製在今隕城寨梳風永嘉寺蓮  
座石柱上

修武之北二十餘里六眞山之東俯臨古城名曰  
隕城號曰吳澤鎮昔日精藍一所屢遭兵火迄今  
聖跡存者唯石像而已東接蘇門背連太行佳氣  
恆藹於山川清風多寄於松竹嘉木成林異粍飶  
目邑人李善性樂空門見儀像頽敗寺基盡爲壠  
畝特發誠心買到稅業地三畝率其同志復展新  
基再修禪宇數楹兼賴十方信士重建法座二所

及聖像更加完飾庶幾賢善永為瞻仰也  
皆大定十七年歲次丁酉辛亥月辛未日

錄節

案此碑係邑廩生楊敏書搜訪得之文云修武之

北二十餘里陸真山之東俯臨古城名曰隕城號

曰吳澤鎮始知寨邨即古隕城又名吳澤鎮鎮因

陂得名皆足與水經注相發明也

皇母泉重修佛像記 在皇母泉上

石載明昌元年歲次庚寅古延川李梅記邑人趙

一向書

府志此碑於乾隆庚申濬泉得之迺金代祈雨有  
應而勒石者文與書法皆不佳以其古物姑錄之

修武縣志

卷十

金石志

三十六

志中

王巨卿詩碣 在百家巖

予自淇上迺來遊百家巖其於佳處無不徧歷因  
作韻語以紀其曾來耳泰和甲子三月二十有八

日承德郎沁南軍節度副使王宏巨卿題

長令特地憶嵇康當時就吹毛劍不斬姦臣  
反被殃右嵇康生若劍池日嬉遊盡歸令  
人為荷右劉伶醒酒臺一聽婦兒語安茲醒  
為聞鸞鳳音好語嵇生朝能用長嘯幽憤入  
右孫登長嘯臺一生朝能用長嘯幽憤入  
第三庵出世禪機誰會得空餘明月照茆庵  
嗟中散命何薄不來當時一卷書嘉處幽居  
方池中印月華明一得當寒流徹底清休道  
無垢中端月可濯一派寒流徹底清休道  
塵纓右明月池

將仕郎主簿董晏登仕郎守縣丞杜瑋修武校尉  
守縣令王師韓立石

孫真人碑

書正

在雲臺山藥王洞側

大金國河東南路懷州修武縣七賢鄉西馮營邨

修孫真人石像記 李天祐撰

孫思邈者華原人也七歲就學日誦千言弱冠尤  
好莊老及諸子百家之說深曉醫術注老子譌千  
金方千金翼福祿論攝生真錄及枕中素書會三  
教論流行于世普濟羣生天祐于泰和四年同里  
人王世眞等登山洞迹霧繞雲遮又有石丸之藥  
因詢其故皆曰古老傳孫眞人之洞于時歲旱民

修武縣志

卷十

金石志

三十七

心憂惶天祐因想眞人神聖曾三處救龍必能動  
于龍也故美其德迺焚香祈請禱雨三日果獲感  
應遂糺率居民特起誠心各捨已資命工鑄造成  
其石眞像置于洞中俾後遊山之人有所歸依矣  
皆泰和七年清明日立石 維那李天祐 王  
世眞 李昉書丹 樂邨石匠秦  
錄節  
右碑高一尺九寸廣一尺額題云孫眞人碑十五  
行行二十二字楷法佻道德經完好無缺往搨此  
碑見洞中果有石丸大如菘豆仰視石罅中嵌石  
瑩一枚其外列石缶十餘口俱向下石質生成非  
人雕鑄異哉

勅賜眞清觀牒 在馬坊邨

尙書禮部據登州棲霞縣弟一都太虛觀邱處機  
狀告同懷州修武縣劉志敏狀告狀爲懷州修武  
縣七賢鄉馬坊邨有道庵一所自來別無名額於  
東平府納米請買到日字號空名觀額一道乞書  
填爲眞清觀者牒奉勅可特賜眞清觀牒至准勅  
故牒 大安元年五月 日令史王貞印 主事

翟昌言印 奉直大夫翰林修撰同知制誥權員外郎趙 朝請大夫禮部員外

郎納蘭 中憲大夫禮部郎中兼國子監丞王 翰林學士承旨中奉大夫知制誥兼禮部

侍郎同修國史提點司天臺張押 皇弟開府儀同三司判禮部尙書韓王

海蟾宮入道歌 長春子書 在馬坊邨眞清觀

修武縣志

卷十

金石志

三十八

余緣太歲生燕地憶昔三光分秀氣卯角圓明霜  
雪心十六早登科甲第紆朱懷紫金章貴各各綺  
羅掛輕體如今位極掌絲綸忽憶從前春一寐昨  
宵家宴至三更兒女夫人并侍婢被余佯醉撥枳  
槩擊碎珊瑚眞玉器兒女嫌夫人惡念了從前衣  
飲樂來朝朝退怒猶存些兒小過無推託因此事  
方頓悟前有輪迴誰救度退官納印弃榮華慷慨  
身心求出路

府志案海蟾宮入道歌邑志以爲金宰相劉操作  
邑人相傳以爲卽仙人劉海蟾嘗居此觀明李濂  
甯邑記亦云觀前有古潭傳爲劉海蟾洗丹處侶



皆緣邱長春入道歌附會其說耳歌中語意雖侶  
宰相棄官歸隱而亦未嘗明注爲何人所作金史  
無操傳惟歸潛志有隱居太行之文亦未指爲此  
地及海蟾爲其字也碑陰有大安元年字大安爲  
金衛王紀年若操曾學道於此牒中何以不序明  
但云有道庵一所自來別無名號云云邪考通志  
載政和閒新鄉白鶴觀知事崔重微有遇仙人劉  
海蟾事又宋史方技甄棲真傳棲真自號光子與  
隱人海蟾子者以詩往還論養生祕術目曰還金  
篇則是宋代卽有海蟾其人其非劉操彰彰矣姑  
識於此再俟博考焉

案廖用賢尚友錄云海蟾以明經擢第仕燕王劉  
守光爲相又厲樊榭宋詩記事引湖廣總志劉元  
英號海蟾子初名操燕地廣陵人以明經擢第仕  
燕王劉守光爲相一旦忽有道人來謁自稱正陽  
子索雞卵十枚金錢十枚以一文置几上累十卵  
于錢若浮圖之狀海蟾驚歎曰危哉道人曰居榮  
樂之場履憂患之地其危有甚于此者復盡以錢  
擘二擲之而去海蟾由此大悟遂易服從道宋仁  
宗天聖九年遊歷名山所至多有遺跡一日于潭  
州壽寧觀題古詩十韻仍自寫真其扇撮襟書龜  
鶴齊壽四字題云廣陵閒民劉某書丹成尸解至

元六年贈海蟾明悟宏道真君則海蟾確係劉操  
爲五代時人府志特未深考但操仕燕爲相當在  
壯年至宋仁宗天聖九年已百餘歲矣猶能遊歷  
名山豈仙人真有不死之方歟

勅賜寂照寺牒 在中于邨

尙書禮部封 尙書禮部河東南路運司院額羔  
字號八十三據懷州錄事司崇壽院僧琮璨與徒  
弟僧文悟狀告本州修武縣中于邨有大佛堂一  
所有塑像并院地給到大定年間合同存畱公據  
係本邨李辛看管次後李辛所將公據逐熟不知  
所往有邨眾請僧文悟住持爲自來別無名額今

修武縣志

卷十

金石志

四十

給到本管僧正司文解於本州買到羔字弟八十  
三號空名勅牒一道乞書填作寂照禪院本州照  
過籍簿相同合行出給者牒奉勅可賜寂照禪院  
牒至准勅故牒 崇慶元年十一月 日令史

石林 押

主事侯利建 押

中順大夫禮部員外郎兼著作郎國史院編修

窠印 押

中順大夫提點司天臺兼禮部郎中翰林修撰同知制誥趙 侍郎 中奉

大夫太子太保兼禮部尙書翰林學士承旨知制誥修國史張 貞祐元年十二

月 日勸緣講經論賜紫沙門琮璨立石住持  
僧文悟勅建

元

勅建法錄堂記

正書

在馬坊海蟾宮

夫太上老子以道德五千言垂世立教由周而來  
世衰道微真風寢息近古以道法傳世除邪輔正  
拯疾馘凶載在道典晉太康元年真君許遜字敬  
之許昌人也父漢末避地南昌因家焉真君尤嗜  
道法聞真君吳猛遇異人丁義於西安縣以符呪  
神仙修煉之術許君往師之悉得其傳聞金陵丹  
陽縣女師譙姆於黃堂以九天神仙諸階大法與  
師吳君求授於譙姆姆曰君等功行兼備仙名在  
天吾當以九天孝道明王之法淨明五雷諸品道  
法傳之後蛟魅爲害據山作穴吐氣成雲互四十  
里凡在氣中人畜吸吞之出穴舉頭高十餘丈吳

君以飛步法踏其首腹裂小蛇出長數丈甘君誅  
之施岑併力攻之寧宗朝范尊師名津政古鄖雲  
夢縣世儒潛德不仕遇神人以真君道法於安陸  
境內授徒數百人偕有道行之士混元集禧宏教  
法師李南清禮請尊師范君付以道法端平乙未  
冬十月念七日與今洞真元靖大師夾谷道顯同  
中書楊蒙古及左丞姚公抵山陽甯城馬坊真清  
宮時夾谷道顯全家師事清虛宏道真人冷尊師  
實嗣爲引度以聲聞從事皆掌教大宗師誠明真  
人諸路立壇公受元壇提舉劄付洺州路速賓千  
戶下合般謀克大興招遠之長孫幼失其父八歲

承襲後具誓狀在宮諸執事推保開壇盟真醮傳授法籙拯救諸方靈異不可具述自時厥後夕火晨香晝經夜營伐木構材運土疊石不憚手胼足胝之勞勅建法籙堂三間塑三天檢教元帝三天主教真君三天扶教天師綵畫許吳十二真君雷部神吏嗚呼公之德行道業如此柰時不我待於至元十二年三月十九日厭世而昇葬於師祖之次今門弟張道寬本縣王坊里人也幼歲投元感師之德恐歲時縣遠湮沒無聞一日同本宮提點洞真淵靜大師江君詣縣謁文於予姑撫其實以書之三教通慧晞元法師安陸陳南美記大元至元二十五年歲次戊子五月初六日清真儲福萬壽宮裕真大師張道寬立石

修武縣志

卷十

金石志

四十二

溫公新醵龍泉池記

懷孟路中選儒人張傑記 承務郎修武縣尹兼

管縣諸軍奧魯勸農事溫惠書 教諭趙宜中篆額

邑之西偏五十里土壤肥潤民物蕃庶有里日苟泉邨亦云苟泉陂里之右有水源出平地號日龍泉廟之隅止有斷碑字刻剝落所可辨者龍泉神廟靈蹟祈禱輒應民尠災咎蓋祭法所謂山林川谷邱陵能出雲爲風雨者也至元丁亥太原溫惠字仲寬由安西省探竹來尹是邑下車之初謁祠下四顧荒陋迺召集社眾諭以濬泉脈敬致祭祀眾皆喜躍承教定議濬以爲池導水東注內可以壯神祠外可以灌漑民田鑿池深仞得宋熙寧甲

修武縣志

卷十

金石志

四十二

寅歲孟州錄事叅軍唐州桐柏縣令之孫溫寧重修是廟碑石與今之尹姓氏相同興替之遇豈非數也以是民益用勸子來忘勞池之廣袤爲方一百尺自二十六年五月十五日經始二十五日落成龍池一新輿情起敬奉爲香火資福之地詎不遑哉至元二十七年

節錄

李武略將軍墓碑

今佚全文  
詳列傳

中州金石考云至元二十八年吳暉撰

重修廟學碑 在文廟

中州金石考云至元壬辰王惲撰文

十柏院供牀刻字 在王褚邨西

維大元國懷孟路修武縣孝廉鄉中秦邨張祐同妻馮氏男張慶謹發虔心於二仙廟內施石供牀一所伏願子孫榮旺福祿重生今將助緣人名開列於後本邨上秦邨王褚邨大德元年孟夏日記案上秦邨中秦邨今無此二邨故老所傳昔廡北有三秦邨久毀矣田中多瓦礫其跡可尋也

元李天秩重修文廟碑

至大二年

全文詳學校

元晉寧路儒學正李天秩修武縣鄉學碑

至大四年李天秩記柏德元書

全文詳學校

大元國懷慶路修武縣王褚邨新店士林富仁屯馬

修武縣志

卷十

金石志

四十四

家澗等重修二仙廟碑 在王褚邨西廟多柏新店在廟南士林在廟西富仁屯今無此邨或卽嘉禾屯在廟西北馬澗在廟東北

余除覃懷修武簿因公督稅至靈泉鄉有邨曰王褚遙望殿宇嶒嶒簷楹高聳樹木森鬱煙靄蟠繞下馬祇謁命掌鑰者啟戶焚香禮畢觀其塑像二仙神焉簪冠霞佩蟬鬢雲鬟服六銖之衣秉青玉之簡莫知其原讀古碑而知樂相公之二女生而神異修真慕道恣游洞府時復乘鸞跨鶴以至其家其祠本在上黨壺關縣接陵川之境庶壤邨建紫團之陰祠旁有石洞幽邃無窮好事者探奇索

隱而造焉未半寒氣襲人毛骨森然竦若神物之  
護持弗敢駐足而輒去石壁上有仙人掌痕在焉  
歲旱禱雨卽應闔境神之敬禮香火不絕是故祠  
宇繁衍廣布河東修武縣二王褚其一也宋崇觀  
閒西夏背叛飛檄絡繹遣將出征屯戍河外敵人  
塞關輸粟之路士卒飢餓遇二女鬻飯於路側眾  
爲驚異爭買之軍多愈辦舉皆稱飽兵力遽添一  
戰而勝敵迺悟二仙之所化也奏上特詔封贈之  
賜號冲淑冲惠二真人延祐元年八月日登仕郎  
河中府知事張輅撰節錄

案續資治通鑑宋師敗夏人于銀州事在崇寧四

修武縣志

卷十

金石志

四十五

年

濟瀆靈池記碑

正書

在城內濟瀆廟道院東牆

額題濟瀆靈池之記六字元天厯二年五月濟源  
縣醫學教諭李思誠撰後進董從吉書碑高二尺  
四寸廣一尺五寸其書有蔡端明筆法余莅任卽  
聞池中有甃甃以池 坍塌不可得見亦不詳甃  
于何時茲得是碑迺知爲元人工作文已節錄于  
祠祀志中不複載

元故通議大夫吏部尙書薛公墓碑

至正六年歲在丙戌春三月吉日男秉貞秉庸立  
石資善大夫前中書左丞知經筵事許有壬書

五里源崇明寺碑

前應翰林文字同知制誥兼國史院編修官奉議大夫禮部郎中張琬譔 普覺眞知大師嚴公講主書 講經律論欽公講 領額

茲寺大禪師稠公之所勸稠爲名釋著聞一時北山有解虎坪實公入定之遺跡其爲寺也負太行而揖嵩少東連乎蘇門百泉之幽勝西接乎濟水盤谷之清雅風氣淳淑民物繁夥加以水竹之明秀 落之菊午稻塍蔬圃雞犬相聞故高人勝士聯鑣竝駕遊詠不乏盛境振名於懷衛實中土之傑區空門之福地前住持僧資姓霍氏河內人落

修武縣志

卷十

金石志

四十六

髮於河內天聖院旣成法器莅僧職於江淮因發以達官富豪之所 經二藏一付於茲一付天聖爲祝延之需寺 凶 質田於鄰捐餘金悉贖 之今住持全公姓師氏清化人與資爲同法 其治院補葺甚完朔望焚修無少怠朝夕參禮而克勤大眾取則故經歷永歲法宇不疏僧舍不壞常住之固業隆而不替僧眾之戒行恭而自修今一旦偕提點僧德璨 特來清化合手作禮敬屬欲文諸麗石而圖不朽予以弗克翰墨辭其請益力歷二載不已迺敘其由且告之曰佛 西域距中土二萬餘里其教及天下以迄



於今二千餘歲其去世也既遠其垂教也愈明粵  
自達摩以禪宗妙法而傳衣鉢祖釋迦奉宗旨元  
風大振遂有曰慧可曰璨曰道信曰宏忍曰惠能  
僅顯六葉空術日彰蓋金仙警夢其始甚微白馬  
馳經其跡迺著降及唐宋傳斯道者殆難枚舉稠  
公事業實在斯所今二住持嗣躡元蹤化服厥眾  
俾其教遠而有宗潛而愈出諒空門之豪傑法中  
之象龍也噫後之住持者景其先德仰其遺範致  
悟境崇而不卑 而弗滯誠佛教之得人而無愧  
於將來其或以私戕心以俗壞法溺慈航於苦海  
沈寶櫓於迷川聞此仙覺寧不少愧而自新乎爲

修武縣志

卷十

金石志

四十七

其道者其勉旃復系銘曰漢葉重隆金仙入夢近  
臣一言靜中起動白馬西來化流民眾實地功夫  
空門體用一粵五葉有教有禪不言之妙無方之  
傳距二萬里垂二千年默契宗旨稠公是賢百巖  
堂堂稠公道場因資因全潛而孔彰資宏法藏全  
振紀綱卓哉福地千古流芳皇元龍興崇尚其教  
大臣進言天子有詔戒律巍巍淵源灑灑咨而羣  
迷永則永效皆大元至正十年歲次庚寅夏五月

二十一日

節錄

明

修武縣嘉禾記碑

在孔莊天宮廟

鄭府左長史齊郡董諮譔 右長史南郡陳康書  
丹 陽曲縣教諭韓俊題額

景泰庚午冬蜀富順郭侯應誠來宰是邑興利除  
弊弗渝月而事集民用康裕和氣融溢壠畝之間  
嘉禾挺生其一莖兩穗者百餘畝三穗五穗者半  
之於是鄉之耆民取獻公堂以彰侯德侯則謙讓  
寢其事不言而邑之紳士慮瑞事久而就湮致泯  
侯德也相爲聲詩且徵余言以劄諸石景泰四年  
歲在癸酉夏四月初吉立石

節錄

重建聖佛寺碑

正書

漢川知縣甯城牛聰譔文 懷慶府學生員山陽

修武縣志

卷十

金石志

四十八

柳洪書丹

修武治西北四十里許有山曰太行森秀高聳爲  
一邑之鎮山西南復起爲岡岡舊有聖佛寺焉不  
知劫於何代正統閒本縣僧會祥琳上人師弟曰  
繼全經其處見遺磔斷礎愀然曰此古名刹也何  
傾廢若是吾爲佛弟子忍棄之而不顧邪遂 茅  
縛屋而棲禪其閒由是戒行益修宗風大振四方  
善信聞有重建之志皆輸財樂相其事迺擇日拓  
地鳩工市材首建正殿傍爲方丈翼以兩廊前殿  
左右建伽藍十王二祠東爲饌堂廩庫廚福西爲  
禪房以居徒眾與四方之雲遊者爲閒共三十有

六外爲山門左右各塑金剛其規制經畫誠宏且遠爲基延袤六十五步四圍多植竹樹陰鬱蒼潤望而知爲勝境也予嘗閱邑志古刹非一兵燹之餘鞠爲茂草僅存勝果與斯寺而已斯寺亦久廢幸得繼全發心拓大轉蒼莽之區爲莊嚴之地煥然一新寺左右居民又能樂然欣助使法門增輝其功亦豈小哉是皆可書故併記之成化元年三月朔日住持繼全立石

案寺於成化十九年繼全之弟祖興又重修而拓大之有田若干塍有圃若干畦遂爲道場勝境邑人致仕鳳翔府教授韓俊爲之記

修武縣志

卷十

金石志

四十九

圓融寺修造記碑

正書

在呂澗山上

前太原府教授陳玉譔

修邑西北山名呂澗寺曰圓融迺大禪師稠公之道場也勦建於太 三年歷宋而元廢興莫攷至國朝洪武七年所存者佛殿四楹永樂七年周王殿下琢白玉佛像施寺中成化丁未住持妙增迺增建前殿四楹天王伽藍之堂庫庖庖漏之屬與夫僧寮客堂南北廊廡左右 室煥然一新門外四圍山色萬木森然雖羊腸小徑而蕭遠閒曠來遊者恆徘徊不能去妙增持心端潔素行服四方善信輸財不暮年而葺事使無菩提心者昧於苦

樂烏能興是舉無歡喜心者狃於慳吝烏能結此緣爰併記之爲後勸云爾大明宏治七年歲次甲寅孟冬吉日 修武縣知縣曹孜 縣丞王鐸 儒學教諭劉經 主簿段璽 訓導張斐余政 典史陳璠 遞運所大使郭峻 武安驛驛丞翟蕙 稅課局大使董英

節錄

### 西明寺鍾款

懷慶府修武縣僧會司西明寺住持僧如錦發心募緣誠造大鍾一顆六百觔本寺懸掛宏治十年三月吉立

案鍾款列銜有修武縣遞運所大使郭峻餘皆捐

## 修武縣志

### 卷十

金石志

五十

### 施姓名

重修東嶽廟碑 知縣冷宗元譔在南門外

元至元三十年歲旱居民都維那等祈禱感應迺率眾勸建東嶽神廟至大明宏治十八年百有餘年殿宇傾朽廊廡損敗不蔽風雨本縣安陽邨耆老王敏同善士武敬申德方等發心施財重修正殿義勇武安王拜殿修神像砌露臺煥然一新請予爲記竝載捐修人名余以其有爲善之心也益願里人率其子弟毋惰游毋作非相與爲良民因附刊余所述邨居吟日邨居好邨居好竹籬茅舍清溪遶山形水勢無塵囂幽林盡日聞嘯烏布穀

催耕農事忙負耜東郊趁天曉攜籃江上買魚苗  
穉子莊前作池沼雞豚鷺鴨與牛羊晚來院中閑  
謔謔春垂楊夏萱草冬白梅秋紅蓼不須圖畫覓  
良工莊點四時景致好鄰翁社友頻相邀老瓦盆  
邊沈醉倒不思炮鳳與烹龍淡飯黃齏只要飽男  
婚女配不出邨步步相從只到老堂上鶴髮壽年  
高眼見兒孫離襁褓輕閒快樂是神仙何處去尋  
蓬萊島但得家中二稅完自然心內無煩惱是非  
叢裏莫去鑽名利場中休要討教兒孫莫弄巧廣  
栽桑多種棗衣食足則禮義興飢寒至則生姦僥  
眼前富貴片雲輕身後功名一芥小古今事莫稽

修武縣志

卷十

金石志

五十一

百家巖詩碣

詩爲邑令秦祐邑人馬瀾所作嘉靖四年

詩詳古蹟

百巖寺重修佛殿碑

中州金石考云嘉靖六年馬瀾書

文詳祠祀志

溝坡萬善寺望親臺記

嘉靖六年爲邑令秦有立華陽苟自珍譔文後列

名苑馬寺丞趙瀾

重修五里源崇明寺碑

賜進士出身嘉議大夫禮部右侍郎前翰林修撰  
經筵講官何修國史懷慶何瑭撰文 賜進士出  
身文林郎雲南道監察御史懷慶周道書

修武縣北二十里有屯曰五里院蓋懷慶衛軍士  
屯種之所也屯西南有崇明寺蓋禪師稠公之所  
建也攷碑記唐天寶間稠公修道於此當時建大  
護國仁王寺以處之茲寺及百巖寺則皆其下院  
也寺北負太行東連百泉西去海蟾宮里許宮之  
前有泉湧出下流寺側蓋甯城之勝地也自勦建

修武縣志

卷十

金石志

五十二

後代有修葺元至正閒僧因資因全修之時則禮  
部郎中張公琬爲記國朝成化宏治閒僧官祥俊  
及其弟子妙淳妙慶修之時則按察使楊公徽爲  
記歲久復頽壞嘉靖二年僧廣堅清應慨然欲修  
之慮勞費重大迺謀於耆老杭鑑鑑命子彪州捐  
銀百兩助之遠近軍民之好佛者聞之各出所有  
來助於是新雷音殿五閒伽藍殿三閒東西方丈  
六閒起工於二年三月初一日落成於四年十月  
朔日廣堅等恐後人不能繼其志也迺請予爲記  
佛法自東漢時始入中國至東晉時鳩摩羅什以  
華言譯經而其教大行梁武帝時達摩倡直指人

心見性成佛之說而禪教始啟蔓延至唐帝王臣民鮮不事佛當時禪僧之擅名者稠公其一也稠公所建寺甚多而崇明其一也至於國朝則僧道各自設官以統其徒然予於此重有感焉世之人私其貨財雖兄弟親戚之飢寒有不暇卹至於修建寺院則施捨恐後豈非佛神妙不測之道有深感其心者故邪然佛之去世遠矣推明其道以感化乎世之人者在於其徒稠公始建茲寺於先諸僧重修茲寺於後後之人其尙念佛之道哉大明嘉靖十三年歲在甲午孟冬十月

節錄

懷慶府二守劉公生祠碑 在郇封

修武縣志

卷十

金石志

五十三

明萬歷辛卯邑人周佑爲署修武令懷慶府同知劉應聘作也修武年荒盜起公募武健謹約束而盜以靖全文漫漶不載

附錄 重浚明月泉記 隸書

山之美在石與泉石爲山骨而泉則其脈也然二者恆不可得兼苟得兼之雖在荒崖絕壑人跡所罕到好事者猶將爬羅剔抉表而出之以爲快况近在几席之間其清流激湍濬發於重巖峭壁間者竟掩蔽之使不得成其漣漪盪漾之觀良可惜已修武百家巖千尋峭削如石屏高張而明月泉卽由巖根涌注誠石與泉兼美者也迺依巖爲寺

繚以短垣巖旣不得盡東西一覽之勝而泉又處於寺後寺僧更疊石作屋駕三楹於其上遂使是泉幽囚掩抑須攀藤附葛迺得一窺覘遊山者憾之余屢至百巖欲爲是泉發露其面目久矣道光戊戌之重九日因修邑乘采探古蹟又與袁君叔英張君魯巖同遊其地適舊僧源旭主持是寺迺命撤泉上屋卽其基築臺再成以亞字牆繚其四周泉之東西展拓三弓有餘用石砌作半月形使有渟蓄之所然後傍石壁以通溜導之西行又東分王烈泉一派竝注其中斯臺旣成俯流泉傍修竹東望鳳凰臺高踞樹杪春秋佳日攜儔選勝嘯

修武縣志

卷十

金石志

五十四

詠登臨泉石之秀畢萃於目矣泉西注折入佛殿庭中舊亦以石揜覆余竝令撤去別開一池長丈有二尺坐古檀之陰而觀之碧水澄鮮亦一勝概也是役也經始於己亥莫春告成於秋杪余捐俸以爲費邑人亦各有所助云道光二十年秋九月知修武縣事淄川馮繼照撰并書

雜記

史餘

軼事

攷辨

志原

作志乘者必按輯史編以資引證顧有事關一邑而義非專爲一邑起者又或理之所無竟爲事之所有得諸殘碑小說及故老所傳聞臆馥殘膏談助也若前人之攷證其義專爲一邑立議而采



其說於志中復附其文於卷末益足與全書互相發明并將舊志序附入以明源委之有自云爾  
史餘

周武王伐紂勒兵於甯更名甯曰修武

見韓詩外傳詳沿革

漢高帝宿小修武

史記高祖紀羽遂圍城皋漢王跳獨與滕公共車  
出成皋玉門北渡河馳宿小修武自稱使者晨馳  
入張耳韓信壁而奪之軍迺使張耳北收兵趙地  
使韓信東擊齊漢王得韓信軍則復振引兵臨河  
南向軍小修武南

修武縣志

卷十

雜記 史餘

五十五

高帝下河內至修武

漢書高帝紀二年漢王自臨晉渡河魏王豹降將  
兵從下河內虜殷王卬置河內郡至修武陳平入  
楚來降漢王與語說之使參乘監諸將南渡平陰  
津

曹參傳以中尉從保漢王出臨晉關至河內下修  
武

山陽鐵官亾徒蘇令等叛爲盜

漢書成帝紀永始三年十二月山陽鐵官徒蘇令  
等二百二十八人攻殺長吏盜庫兵自稱將軍經  
歷郡國十九殺東郡太守汝南都尉遣丞相長史

御史中丞持節督趣逐捕汝南太守嚴訢捕斬令等

後漢光武帝使謝躬擊山陽尤來

後漢書吳漢傳光武南擊青犢謂謝躬曰我追賊於射犬必破之尤來在山陽者勢必當驚走若以君威力擊此散虜必成禽也躬曰善及青犢破而尤來果北走隆慮山躬迺留大將軍劉慶魏郡太守陳康守鄴自率諸將軍擊之窮寇死戰其鋒不可當躬遂大敗

光武帝幸修武

光武帝紀建武二年二月己酉幸修武

修武縣志

卷十

雜記 史餘

五十六

通鑑車駕幸修武鮑永馮衍審知更始已亾迺發喪出諸大伯等封上印綬悉罷兵幅巾詣河內案通鑑攷異謂帝紀光武此年不曾幸河內但有幸修武事然則永衍實降于修武修武亦河內縣也

魏顯祖南巡次山陽

魏書辭虎子傳虎子素剛簡爲近臣所疾因小過黜爲鎮門士及顯祖南巡次于山陽虎子拜訴于路曰臣昔事先帝過霑重恩陛下在諒闇之日臣橫罹非罪自擯黜北蕃已經多載不悟今日得奉聖顏遂流涕嗚咽顯祖曰卿先帝舊臣久屈非所良用憮然詔虎子侍行訪以政事數十里中占對

不絕

隋楊元感發兵將襲洛陽修武縣民拒之於臨清關  
本傳元感遣家奴僞爲使者從東方來謬稱護兒  
失軍期而反元感遂入黎陽縣閉城大索男夫於  
是取颿布爲牟甲署官屬皆準開皇之舊移書徬  
郡以討護兒爲名各令發兵會於倉所以東光縣  
尉元務本爲黎州刺史趙懷義爲衛州刺史河內  
郡主簿唐禕爲懷州刺史有眾且一萬將襲雒陽  
唐禕至河內馳往東都告之越王侗民部尙書樊  
子蓋等大懼勒兵備禦修武縣民相率守臨清關  
元感不得濟遂於汲郡南渡河

修武縣志

卷十

雜記 史餘

五十七

唐魏博節度使韓簡敗諸葛爽於修武

通鑑唐僖宗中和二年魏博節度使韓簡自將兵  
三萬攻河陽敗諸葛爽於修武爽棄城走  
元大兵再駐山陽

案大兵再駐山陽見中州集隱德下攷續資治通  
鑑宋寧宗嘉定六年蒙古兵循太行而南破保遂  
中山邢洺磁相衛輝懷孟諸郡左軍遵海而東兩  
河山東數千里人民殺戮幾盡元兵之駐山陽當  
卽在此時其云再駐者或是兵已去而復來歟

明正德閒山寇竊發

傅冠修城記明武廟時山寇竊發邑無險可恃殘

掠獨甚

見建置門

流賊李自成犯修武

明史莊烈帝紀崇禎六年秋陝西賊走河北陷修武

流賊傳李自成初破澤州以其眾南踰太行掠濟源清化修武圍懷慶官兵擊之遁走別賊復闌入

西山大掠順德真定間大名道盧象昇力戰卻賊賊

自邢臺摩天嶺西下抵武安敗總兵左良玉河北

三府焚劫殆徧潞王告急賊聞發兵欲從河內走

太行曹文詔邀擊之不敢進連戰於青店石岡石

坡牛尾柳泉猛虎邨屢敗之賊欲逸阻于河會天

修武縣志

卷十

雜記 史餘

五十八

寒河冰合賊遂從澗池徑渡

左良玉傳陝西賊入河南圍懷慶廷議令良玉將

昌平兵往勦大指專辦河南會賊寇修武清化者

竄入平陽因檄良玉入山西禦之頗有斬獲河南

巡撫樊尙燝以良玉駐澤州據豫省咽喉可四面

爲援兵詔從之

吳偉業綏寇紀略崇禎五年八月賊攻澤州城陷

澤大州也全晉爲震動閱半月賊已南下太行山

浸尋乎濟源修武而畿南豫俱中賊矣

又五年九月賊掠懷濟焚清化破修武知修武事

劉鳳翱縋城遁道被殺縣尉余守彬訓導朱家彥

紳士侯來問等七十餘人俱死賊居三日陽和

明史

兵志山西行都司下有陽和衛兵至迺去突入清化鎮焚殺數千

家芻掠武陟輝縣遂圍懷慶參將黃士英戰沒於河內之大山口守道尹伸知府劉邠綸率紳民固守廷議用昌平兵殺賊以千二百人付左良玉而陳永福以裨校從征其大指專在中州會修武清化之寇竄入平陽因檄良玉入晉十二月初十日賊抵玉屋山犯西陽眾二萬官兵二千餘人用礮擊之賊死者三百西遁聚於高平之間時撫豫者樊尙燦以左良玉爲請疏曰昌鎮之兵卽河南之兵餉卽河南之餉樞臣移緩就急臣不爭但豫非

修武縣志

卷十

雜記 史餘

五十九

無事賊氣漸逼請以左良玉駐澤州適中之地北可以援高平長子東可以救臨縣潞安西可以應陽城沁水爲晉保境兼顧濟源詔從之聽良玉受尙燦節制并諭曹文詔以同心殺賊有急則秦兵騁而東豫兵逼而西晉兵從中橫擊勿以交境爲解

又六年三月賊再入河內十七日左良玉逐賊於輝縣賊從十八盤黃端口南下奔河邨入修武清化游擊越效忠登屋避賊墮賊執而戕之陶希謙故儒將賊追急馬驚落塹而死左良玉救武安二十日襲賊於萬善驛二十八日大戰於柳樹目再

獲其首惡賊迺西奔

軼事

唐韓仲卿退之父一日夢一烏幘少年風姿磊落  
仙人也拜求仲卿言某有文集在建業李氏公  
當名出一時肯爲我討是文而序之俾我亦陰報  
耳仲卿諾之復回曰我曹植子建也仲卿旣檢鄴

中書得子建集分爲十卷異而序之

舊志

退之嘗說少時夢人與丹篆一卷令彊吞之芻一  
人撫掌而笑覺後一侶胸中如物噎經數日方無  
恙尙猶記其上一兩字筆勢非人間書也後識孟  
郊侶與之目熟思之迺夢中芻笑者信乎相契如

修武縣志

卷十

雜記 史餘

六十

此

舊志

宋縣人杜某譔七賢鄉馮營邨重修顯聖靈源公  
廟記云大河北及郡東有古祠號曰土牛神其來  
久矣故老相傳昔因河水泛濫郡民見中流屹然  
有神人乘黃牛逆流而上鄉人逼視之迺泥神土  
牛眾皆驚異其神順流而下翌日復出於水面於  
是間里更相謂曰得毋土牛之神欲廟食於吾鄉  
邪胡不爲之立廟於是經營相度翕然而成卽省  
神像於其中土牛之號自此始也厥後郡中有災  
或六畜染瘴疫祭無不應國朝景德中契丹犯遼  
淵嘗有突騎數千欲寇是郡忽見飄風黑雲出自

廟隅鼓蕩蔽野須臾陰兵從雲中下還而攻之賊眾敗死城社獲全郡邑以狀聞朝廷嘉命以上公禮祭之特賜爵曰顯聖靈源公以其神來自河上故也皇祐中懷州修武縣北七賢鄉王賈邨有百姓董遂者率民醵金爲神別修廟於邨中未成而私取其財以爲己舍忽雷電作火焚其莊元祐初本鄉馮營邨段應程仲等復率眾繼成其廟於今所殿宇一新神像嚴肅使百里之民得以蒙神福者段氏程氏功也於乎惟神有德其警眾顯異捍禦大菑宜乎爲鄉人所依賴矣大宋紹聖二年歲次乙亥夏六月十六日

琅嬛記云元時有一人姓魏家修武善彈以鐵爲丸能先彈樹木迴丸中鳥人以爲神

嬾寄亭集云周君佑母病噎七日湯勺不入口氣奄奄垂盡或言一少年女醫善治此病卽迎之至年可三十語雜俳戲笑曰危哉疾也幸遇我無傷乎令以芻椒煮水屢嗽之出一白石長可三寸許爲棱六一末銳隱紅紋如線納之口中少頃化爲液頻嚙之數以指摩掐咽喉外用簪探吻中喀喀出一肉片狀若虬能蜿蜒動婦言噎人者其物二一居喉一居心坎上湯下輒隔之仍治如前法復出一肉片隨呼爲粥立進三四孟疾遂愈

縣副貢生王賓王異鳥記云邑侯劉公光斗治甯甫三月鴻鴈安宅雀角化爭一日退食有鳥立於案前羽蒼頂白距赤觜丹形類鵲始悽惶有泣訴狀旋跳躍有歌舞狀問左右不知鳥名且非城市所經見者侯異之命隸臂鳥出廉其故蓋是鳥產於山偶集城樹祁氏子持竿捕之折其股墜地有趙某者抱以歸於折處扶之竹縛以絲慰其飢渴不啻保嬰兒焉逾年始復常飛躍自如及至公庭祁在左趙在右鳥居中鳥向祁若啄侶夙怨之難釋也依依趙鄰侶新恩之難割也兩人各供其顛末侯於祁則答之五於趙則錫以幣鳥迺去時崇

修武縣志

卷十

雜記 軼事

六十二

禎壬午應鍾月也

國朝河東道劉大觀武陟萬琴莊龍祠記云武陟萬琴莊氓高某有女未字高藝蔬爲業傭人治之忽一人來聳鼻縮目軀榦昂藏願受傭高以畦蔬屬之傭食已輒酣睡睡起復食高怒譙責之傭睡如故其女往視畦水充矣蔬芘芘然長矣女告其父父大驚曰予日見其偃臥未見其操縵以汲也水自何來以問傭傭弗答而睡與食如故父曰嘻是豈碌碌終役於人者邪以女妻之越年餘傭告其妻以行雨不謹受帝謫今謫滿將去矣遂不復見未幾晝晦大風雨女亦不知所往是蓋前明永



樂七年事也繼萬琴莊父老夢一人偉岸殊常著  
緇袞冠王者冠來告曰吾夙受父老莊中恩未報  
吾今居修武太行山青龍洞中脫父老莊苦旱但  
愬吾吾當以雨雨父老莊後輒乞輒應無或爽者  
嘉慶壬申夏五月武陟旱禾槁百里武陟令孫君  
肅元率萬琴莊父老詣修武太行山祈雨雨隨車  
至一晝夜田皆沾足民大驩是歲大熟又越五年  
令語萬琴莊父老曰龍受爾萬琴莊恩則思有以  
報之爾萬琴莊父老獨不思有以報龍之恩乎父  
老皆悚然跪階下令曰以雨雨人人得食賦稅有  
出父母兄弟妻子不離散龍之功偉矣功及於民

則祠之禮也父老咸願釀金鳩工築祠崇垣麗甍  
竭梓人之巧祠之前後左右珍禽掉舌嘉卉茹芬  
不俎豆而馨 不筦弦而宮徵又可曰怡神而悅  
民也

武陟申逢庚重建司牛仙塔記云甯之西界曰靈  
泉邨泉去邨二里許邨西北隅故有司牛仙塔邨  
人祈禳無不應但塔昉何代仙始何時無碣可稽  
嘉慶癸酉余館於邨西靈泉寺邨人議重建塔問  
記於余余日記必有據無據何記邨之故老皆曰  
石碣無之口碑猶在也邨中故有焦姓者素殷實  
畜牛數十頭仙傭其家不索價亦不言爲何許人

性仁慈其牧牛也絕無呵斥聲牛有疾不事醫藥  
捫之卽愈鄰牛亦然牛力少疲以手麾之輒踊躍  
一日駕牛耕適有鳥卵伏田中牽牛避之不忍傷  
鳥因遺隙地席餘歸告主人主人往田中取卵烹  
以啖仙繼示以情仙再之田不見伏卵捶胸摩腹  
慘戚不自安居無何有晉商道經茲里遙見一人  
剖腹出腸浴於洸澤之濱顧而驚愕則已超昇矣  
驚呼邨人麴至審視知爲仙蛻也邨人因爲之建  
塔以祀至今邨落賴以永安斯固靈之又靈矣於  
戲自古仙蹤或溷於市或隱於山或託業於傭販  
是塔之仙有司牛名殆亦河上翁賣蘊翁冶師釣

修武縣志

卷十

雜記 軼事

六十四

叟類歟是爲記

教諭張宗泰記楊鵬母某氏事云道光丁亥夏六  
月某日修武縣之官司橋有楊鵬者父已歿母某  
氏與母家弟有違言積久不能平遂邁疾臨歿向  
其子大言曰余赴冥司訟汝舅矣遲我三日不穌  
而後殮其家以時方盛暑卽夕市薄櫛殮焉至次  
日午後棺中漸响响有聲已而其聲大作若有人  
掘其吭而氣不得舒者母凡六子環棺而泣莫知  
所措或語以一啟視則尸氣觸人不可支或語以  
尸已爲厲將搏擊以殺人適予長子棫養疴馬廠  
稔知晉書顏畿發棺有驗事促人往開諭之者再

且爲急切之詞曰母有六子卽令尸能爲厲殺一子足矣殺一子以活母命何樂而不爲其家終怵於邪說越半日一夜棺中聲漸微遂寂痛哉小民之愚也人子依戀父母之前一旦失怙恃斯時呼天搶地苟有幾微可以延親之命者不惜百身以贖之此人子之至情也顧迺愛親之心與懼禍之念交迫於胸中而卒莫克相勝遂隱忍至此聞其家有新構室三楹無故自傾則鬼神所以譴責之者至矣嗟乎小民素不聞大義又愛親之心不篤致使其母固可以復生而卒不克回其生其亦可哀也夫

攷辨

舊志朱子韓文公行略攷云今以李翱所撰行狀皇甫湜所撰墓誌神道碑舊史本傳資治通鑑洪興祖所撰年譜程俱所撰歷官記方崧卿增攷年譜攷其同異詳略附於本傳之下以見公之行事本末而文之已見於集者不復載云新史本傳韓愈字退之鄧州南陽人李白作文公公父仲卿去思碑云南陽人而公嘗自稱昌黎李翱作公行狀亦云昌黎某人皇甫湜作墓誌不言鄉里又作神道碑迺云上世嘗居南陽又隸延州之武陽而舊史亦但云昌黎某今案新史蓋因李碑而加鄧州二

字也然攷漢書地理志有兩南陽其一河內修武  
卽左傳所謂晉啟南陽也其一南陽堵陽卽荊州  
之南郡字與赭同在唐屬鄧州者也元和姓纂唐  
書世系表有兩韓氏其一漢弓高侯頽當元孫騫  
避亂居南陽郡之堵陽九世孫河東太守術生河  
東太守純純四世孫安之晉員外郎二子潛恬隨  
司馬休之人後魏爲元菟太守二子都偃偃生後  
魏中郎將穎穎生播徙昌黎棘城其一則頽當裔  
孫尋爲後漢隴西太守世居潁川生司空稜後徙  
安定武安至後魏有常山太守武安成侯耆徙居  
九門生尙書令征南大將軍安定恆王茂茂生均

修武縣志

卷十

雜記 攷辨

六十六

均生峻峻生仁泰仁泰生獻素獻素生仲卿仲卿  
生會愈而中間嘗徙陳畱以此而推則公固潁川  
之族尋稜之後誠不得承騫之系矣而洪興祖所  
譏年譜但以騫之後世嘗徙昌黎遂附新史之說  
獨以堵陽爲均州小有不同耳及其再攷二書而  
見公世系之實則遂諱匿不敢復著仲卿會愈之  
名而直以爲不可攷今固不得而據也唯方崧卿  
增攷引董道說以爲騫迺韓瑗韓休之祖而公自  
出於尋稜與二書合其論南陽則又云今孟懷州  
皆春秋南陽之地自漢至隋二州皆屬河內郡  
顯慶中始以孟州隸河南府建中中迺以河內之

四縣入河陽三城使其後又改爲孟州今河陽有河陽縣韓氏世居之故公自言歸河陽省墳墓而女孥之銘亦曰歸骨於河南之河陽韓氏墓張籍祭公詩亦云舊塋盟津北則知公爲河內之南陽其說獨爲得之公詩所謂舊籍在東都我家本瀘穀則必以地近而後嘗徙居耳但據此則公與昌黎之韓異派而每譌自稱則又有不可曉者豈是時昌黎之族頗盛故隨稱之亦若所謂言劉悉出彭城言李悉出隴西者邪然設使公派果出昌黎也則其去堵陽已歷數世其後又屢遷徙不應捨其近世所居之土而遠指鄧州爲鄉里也方又引

孔武仲之說亦同董氏而王銍以爲公生於河中之永樂今永樂猶有韓文鄉則其說爲已詳蓋其世系雖有不可知者然南陽之爲河內修武則無可疑者而新史洪譜之誤斷可識矣

偃曝談餘云修武縣西北三十里曰南陽韓文公之故里也居人呼其地曰韓莊又曰韓邨愈自上世居此案李翱爲愈作行狀曰昌黎人而愈亦嘗自稱昌黎又皇甫湜爲愈作墓誌銘不言鄉里李白作愈父仲卿碑曰南陽人嗣後劉煦舊唐書列傳亦曰昌黎人蓋本諸行狀而歐宋新唐書迺增曰鄧州南陽人蓋本諸愈父碑而誤加鄧州二字

也昌黎古韓氏通稱如李曰隴西崔曰博陵孫曰樂安耳今修武之韓莊有愈墓存焉則愈之爲修武人明矣

宛平史積章修武非甯武子采邑辨曰修武縣舊志沿革載修武在春秋爲衛大夫甯俞采邑噫其說誤矣春秋時甯爲晉邑見於左傳者二一爲楊處父過甯一爲魏獻子卒於甯杜注俱云在修武竝無甯武采邑之說也班書地理志衛懿公爲狄所滅齊桓公帥諸侯伐狄更封衛於河南曹楚邱而河內殷墟更屬於晉師古曰殷墟汲郡朝歌縣也甯武子何能越境而食采邑於甯乎攷左傳襄

修武縣志

卷十

雜記 攷辨

六十八

公二十五年太叔文子曰甯子可謂不卹其後矣九世之卿族一舉而滅之杜注甯氏出自衛武公及喜九世其見於左傳者凡四人閔公二年甯莊子名速甯武子之父也僖公二十八年甯武子名俞成公十四年甯惠子名殖襄公二十五年甯悼子名喜甯氏出自公族甯固武子之氏也非武子之采邑也武子采邑之說何所見而云然哉

又山陽郡縣攷曰古地之以山陽名者有二一爲郡一爲縣郡爲今山東兗州府地縣爲今河南懷慶府修武縣地攷前漢書地理志山陽郡屬兗州山陽縣屬河內郡在冀州境內一郡一縣二地皆

名勝之邦人物封建書於史者不一而足修志者所見異辭不加深攷往往互相舛錯案後漢書列傳范式山陽金鄉人廣輿記范式墓在嘉祥縣金鄉嘉祥相距約百里今隸山東濟寧直隸州後漢則在兗州境內其說近是而修武縣舊志載范式墓在山陽城是誤以式爲山陽縣人而附會之也又案唐書表高祖孫霍王元軌子繹封山陽郡公德宗孫通王謀子緘封山陽郡王史書山陽郡公山陽郡王其爲兗州之山陽郡無疑而懷慶府志載於修武縣封建是未嘗卽郡字而詳爲思繹也修志者必先於輿圖沿革攷核精詳而後古今事

修武縣志

卷十

雜記 攷辨

六十九

蹟庶不至牽混志以傳信蓋其慎也攷後漢書郡國志山陽郡景帝分置雒陽東八百一十里山陽縣屬河內郡雒陽北百二十里又甯邑不隸獲嘉辨曰懷慶府舊志以獲嘉爲殷甯邑獲嘉縣舊志亦然案韓詩外傳武王勒兵於甯改甯曰修武水經注引之其來久矣而懷慶獲嘉舊志之誤何自來也攷北史後周汲郡置衛州又以獲嘉置修武郡此宣政元年事也隋書地理志河內郡獲嘉注後周置修武郡開皇初郡廢文獻通攷隋煬帝初年復爲汲河內二郡地新鄉縣志後周以獲嘉爲修武郡竝改獲嘉爲修武以附

郭今迺恍然於二志之誤矣蓋以修武之甯加之  
暫改修武之獲嘉輾轉相傳久而愈失也攷之綱  
目修武卽南陽城秦始皇以南陽城置修武縣漢  
書武帝元鼎六年車駕至汲新中鄉獲南越相呂  
嘉首於行在因以是鄉置縣名獲嘉修武獲嘉判  
然兩地而獲嘉之不得有甯也固已明甚

又輝縣山陽攷曰或有告於余曰輝縣古修武之  
山陽地也余案漢析修武縣分置山陽縣在今修  
武縣西三十里牆南邨有古山陽城輝縣在今修  
武縣東北相距九十里何以有古山陽地也攷金  
史地理志輝州本蘇門縣隸衛州貞祐三年升爲

修武縣志

卷十

雜記 攷辨

七十

輝州定興四年置山陽縣隸焉山陽者析修武之  
重泉鎮而分置之者也元史地理志至元三年省  
蘇門縣廢山陽爲鎮入本州明改爲輝縣而修武  
之重泉鎮至今仍隸焉重泉鎮有二十三邨莊案  
輝志偏西南路吳邨鎮地方有吳邨鎮團相邨上  
場邨長樂邨斜尖邨又名官尖偏西南路常榮邨  
地方有王展邨以上六邨莊輝縣之山陽里上甲  
邨莊也正西路峪河口地方有王里邨土高邨趙  
虎莊老孟莊偏西南路王河地方有趙習屯杭家  
莊臥狼岡王敬屯郭家屯柳灣邨以上十三邨莊  
輝縣之山陽里下甲邨莊也偏西南路懷慶衛地



方有焦泉營楊起營樂安營王放營以上四邨莊  
輝縣之懷慶衛邨莊也計二十三邨莊金以前皆  
修武境內之地今雖修武屬懷慶府輝邑屬衛輝  
府而犬牙相錯實爲接壤山川名勝每易混淆詳  
加攷核稽古者庶不虞牽混

志原

明侍郎何塘修武縣志原序

郡縣之有志猶國之有史也國朝已有大明一統  
志然萃天下郡縣於一編事提其綱不免太略是  
以郡縣又各自爲志詳其目也修武爲河南名縣  
舊未有志正德丁丑蜀昌冷先生以鄉進士來知

修武縣志

卷十

雜記 志原

七十一

縣事政教之暇慨然歎曰志書不作則文獻不足  
無所取徵此有司之責也迺立爲凡例擇儒學師  
生之有才識者委以編次而已攷正焉書旣成迺  
具辭命禮幣俾來請敘其首予取閱之雖筆削精  
義未能盡得然觀其志疆域則土宇之廣狹見矣  
志沿革則時代之變更見矣志天文則災祥之占  
見矣志地理則山川之美見矣志風俗戶口食貨  
則政教之興廢民生之休戚皆見矣至於職官名  
宦游寓則志士之臨蒞乎此者也選舉訖乎方術  
則志士之生長乎此者也藝文則又志鴻儒碩學  
發明此土之華實以爲吾人之取法者也一展卷

閒而政教之施孰可以緩孰可以急人物之行孰  
可以懲孰可以勸莫不備悉噫志之作有補於治  
也多矣抑攷文議禮恆見於從容無事之時方今  
政令匆急士大夫盡瘁於簿書期會之間以應其  
上之求日且不給先生獨能注意乎此其異於人  
遠矣好古博雅者又安得不深有感也哉

邑進士周佑修武縣志引

志二卷凡八類附目五十八始末各爲敘論周子  
日志難言哉廣收易濫約取多遺自昔人猶難之  
况其汎然者乎修故無志正德戊寅邑侯冷公實  
昔勑之舛譌掛漏均所不免萬歷乙未邑侯白齋

修武縣志

卷十

雜記 志原

七十二

邵公欲釐而新之命王生石生等分門采集余援  
簡編次庶幾就緒而商州之命下矣余恐此帙散  
佚後益無攷迺於讀書之暇汰其繁穢附以意見  
彙爲成書欲藏之笥中以俟後之作者今年冬會  
郡司馬鼂峯鄭公來署修事公方雅意嚮文學余  
閒以志請日志史之流也士生其地而使一方之  
制作未備則文獻無徵誰之罪哉因出是藁請正  
焉公復爲刪潤命工梓之嗟嗟太史公作史記八  
十餘萬言欲藏之名山冀千載下有知己者余材  
質無所底曷敢希立言者之萬一而公卽急爲刊  
布余何幸焉敢重燕石之誚而使人無覆瓿之資

也哉

國朝邑令邊憬修武縣志原序

邑之有志也猶國之有史蓋綦重哉然而好廣收者或失之濫務約取者又失之遺文過乎質則繡繪纂組既無以存信有質無文則樸儻鄙俚又難以行遠甚矣志之難也修武舊何志自順治十五年重爲修輯固足以表彰往跡而昭示來茲矣但由己亥以迄今閱三十餘年無論剗剟漫漶刊不可讀而歲序遞遷升降非一戶口田賦之豐耗人物風俗之盛衰以及官師科目沿革興除之迭變時事日增而載籍多缺後有作者將誰前聞前撫

修武縣志

卷十

雜記 志原

七十三

閻公檄命修輯<sup>憬</sup>於癸酉之夏始承乏是邑而此志於辛未春業已脫稟繕寫成書矣受事既淺稟復上呈無從而參攷其得失也未及鏤版會閻公遷去今大中丞顧公以

聖天子聲教四訖海隅日出罔不率俾將大車書一統之盛纂輯統志備爲一代成書檄發原稟諄諄以博洽典核淘汰繁陋是命<sup>憬</sup>遵奉唯謹遂於是年春延邑人明經范子琥蔣子垣校讐而釐訂之斟酌損益編次成帙用登梨棗<sup>憬</sup>終以受事日淺告竣期迫見聞未廣蒐羅未備不無遺憾也雖然河山不殊風土如故因文喻化存乎其人語曰監於

水者正其貌監於志者迪其行使產斯土者觀之  
女惕雞鳴士兢昧旦勤式穀以訓子急賦稅以供  
上同心協力祛澆還淳則力田孝弟之風行而比  
戶可封矣吏斯土者觀之覽土宇之廣狹當思何  
以經理之覽戶口之多寡當思何以休養之覽學  
校人物之隆替當思何以振興而風勵之別險易  
酌經緯因人情時勢而利濟之邑乘具在今古同  
揆不可以觀感而有得乎顧閭兩公之加意於志  
也蓋亦以前事之不忘後事之師豈徒侈記載飾  
觀美存文獻於既往俟史徵於將來也哉慄竊有  
志而未逮也康熙三十四年歲次乙亥

修武縣志

卷十

雜記 志原

七十四

邑令吳映白重修修武縣志序

邑之有志與國史雖有繁簡大小之殊然天文地  
理兵農禮樂職官人物之賢否民俗土風之美惡  
靡不畢載由邑而郡而省國史取裁焉以成一代  
掌故其重一也今值

聖代車書一統郡縣莫不有志前人勦之於始規模已  
具後來踵事增華宜乎無難而一行作吏往往因  
簿書鞅掌率因循不果歲久年湮凡政事之得失  
制度之變更名卿碩儒之芳躅文人韻士之著述  
莫從究其本末原委或傳聞異辭疑信相參掇羅  
攷訂頗有不詳不備之憾則莅茲土者有不能辭

其責焉夫

國家承平陶養生息百有餘年風氣日開人文日起  
土物日繁民俗日茂雖星分疆域無改於舊而其  
閒賢人君子秉道守節建功立名後先輝映其流  
風餘韻皆足以轉移舛陋振勵未習而不亟爲表  
彰使後起之士觀感無自豈有心於風俗人心者  
哉余永乏來修樂其土之樸而民之淳閒繙閱邑  
志惜其六十年來之事闕焉未登而且天文則室  
觜莫辨沿革則衛魏不分循吏無傳人物誤載以  
及官師古蹟陵墓藝文等類遺編舛謬不可枚舉  
急思更訂顧以不文又戴星出入未遑操筆今年

修武縣志

卷十

雜記 志原

七十五

春同年友李琴南適修衛郡志畢遂延致之與邑  
紳士共相商榷無閒晨夕就舊志之闕者增之誤  
者正之或刪其事或益其文凡三閱月而書成雖  
不敢謂可與國史相表裏而必徵必信使古今盛  
衰治亂之迹因革損益之殊以及名公碩士布衣  
貞女之潛德懿行悉登簡端犁然可攷以備一邑  
之掌故使邑之人士益有所觀感而興起或庶幾  
無悖作者之遺意焉是爲序乾隆二十二年歲在  
丁丑孟夏

邑令戈雲錦補修修武縣志序

歲乙酉余奉

命來修拜篆之餘輒披閱邑乘知舊志修於康熙三十四年世遠年湮幾多淪佚迄

今上御宇之二十二年前令津門吳公慨念前徽力肩斯任與邑中紳士商榷而重輯之分門別類次序犁然俾數十年來規制之沿革賦額之增減山川之形勝以及學校人文義夫貞婦固已案冊可稽瞭如指掌惟是檢閱梨棗缺而不全且前此校勘未詳字多魯魚必至久焉莫辨余急圖補輯之而簿書碌碌未有暇也越數月奉憲議修豫省通志檄取縣志以供采擇計邑志自丁丑迄今又經八載其閒政務遞更人物繼起種種事實筆不勝書

修武縣志

卷十

雜記 志原

七十六

况乾隆二十六年邑遭水患我

皇上軫念民艱賜金賜粟

鴻恩浩蕩實千古未有之曠典尤宜敬謹編入以昭一邑信史今逢大憲宏開省館雅意修明則斯志也將以采入全書永垂掌故烏容因其闕略置焉勿道哉爰薄捐廉俸召前董事者重加攷訂凡邇年來邑之人士沐浴

皇恩飲和食德以及職官選舉孝義節烈諸款案年增補疑者詳之譌者正之雖門類體裁悉仍其舊而修殘補缺校勘維詳祇期 菲之采上備憲裁書既上因筆以紀之乾隆三十一年歲在丙戌仲春

月

補遺

雜記史餘

則天后天授二年先是鳳閣舍人修武張嘉福使洛陽人王慶之等百人上表請立武承嗣為皇太子 睿宗景雲元年六月壬午中宗崩于神龍殿 韋后祕不發喪命吏部尚書張嘉福同平章事壬辰命張嘉福河北道臨淄王隆基匡復社稷嘉福行至懷州收斬之

節錄通鑑

雜記攷辨

增補

修武縣志

卷十

補遺

七十七

漢之山陽男子張富昌封題侯後魏之奚斤封山陽侯皆無可攷證案後世封爵之例凡不係以縣者皆縣也若是郡則稱郡公或郡王郡侯皆有郡字奚斤封山陽侯當是修武若山陽男子張富昌誠不可攷

漢張無故張長安張游卿張就後漢張匡五人漢書俱僅稱山陽不言河內山陽與傳中稱信都秦恭陳畱假倉等之以郡係者同且其受授或沛人或東平人或琅琊人或陳畱人或泰山人皆近兗州疑仍是兗州之山陽郡無以決其為修武人也 府志增人仍俟攷

雜記攷辨 續錄

教諭張宗泰南陽分屬韓魏攷 詳見沿革攷  
附此存參

左氏傳僖公二十五年晉侯朝王與之陽樊溫原  
攢茅之田晉於是始啟南陽馬融曰自朝歌以南  
至軹為南陽三家分晉韓魏分得南陽之地通鑑

修武縣志

卷十

補遺

七十八

赧王二十六年秦大良造白起客卿錯伐魏至軹  
取城大小六十一四十年穰侯復伐魏魏人割溫  
以和四十二年秦敗魏軍於華陽之下卒以南陽  
為和實修武四十七年秦五大夫縮伐魏拔懷四  
十九年秦拔魏邢邱據是數條則今之修武武陟  
溫河內北境 古軹城在今  
河縣西北 皆魏所分南陽地也至  
韓所分之南陽則祇得河內野王之地赧王五十  
一年秦武安君伐韓取南陽攻太行道絕之胡三  
省注韓之南陽即河內野王之地五十三年武安  
君伐韓拔野王上黨路絕是也 韓是時遷都新鄭  
野王既失故云上  
絕黨路 特是魏之南陽屢見於國策史記韓之南陽



則僅見於赧王五十一年說者遂疑南陽專屬魏而不屬韓因以武安君所取之南陽爲荊州之南陽郡然赧王四十三年秦已置南陽郡南陽郡本韓地秦取之迺至五十一年又攻而取之則其說不得通矣或又疑南陽爲南郡之譌攷漢書地理志南郡所屬之江陵爲故楚郢都則南郡自來爲楚地亦不得彊爲牽合也又况史記秦本紀昭王二十九年旣云白起攻楚取郢爲南郡矣四十四年則云攻韓南郡取之旣以南郡爲楚地又以南郡爲韓地本自參錯不合則以南陽爲南郡雖本史記恐亦不可從也竊以白起伐韓所取之南陽仍當歸之

河內之野王庶免一切葛藤也